



新刻性理大全第五十五卷

史學

溫陵 九我 李大史 校正

史學

程子曰古者諸侯之國各有史記故其善惡皆見於

後世自秦罷侯置守令則史亦從而廢矣其後自

非傑然有功德者或記之循吏與夫凶忍殘殺之

極者以酷見傳其餘則泯然無聞矣如漢唐之有

天下皆數百年其間郡縣之政可書者宜亦多矣

然其見書者率總數十人使賢者之政不幸而無

書中  
多有  
前人  
格言

性理大全卷五十五

傳其不肖者復幸而得蓋其惡斯與古史之意異矣○司馬遷為近古書中多有前人格言如作紀本尚書但其間有曉不得書意有錯用却處李嘉仲問項籍作紀如何曰紀只是有天下方可作又問班固嘗議遷之失如何曰後人議前人固甚易○史遷云天與善人伯夷善人非也此以私意度天道也必曰顏何為而天跖何為而壽指一人而較之非知天者也○君實脩資治通鑑至唐事正叔問曰敢與太宗肅宗正篡名乎曰然又曰敢辨

以後  
求風  
飾掩  
其罪

魏徵之罪乎曰何罪魏徵事皇太子太子死遂忘戴天之讎而反事之此王法所當誅後世特以其後來立朝風節而掩其罪有善有惡安得相掩曰管仲不死子糾之難而事桓公孔子稱其能不死曰豈若匹夫匹婦之為諒也自經於溝瀆而莫之知也與徵何異曰管仲之事與徵異齊侯死公子皆出小白長而當立子糾少亦欲立管仲奉子糾奔魯小白入齊既立仲納子糾以抗小白以必犯長又所不當立義已不順既而小白殺子糾管仲

性理大全卷五十五

以所事言之則可死以義言之則未可死故春秋

書齊小白入于齊以國繫齊明當立也又書公伐

齊納糾糾去子明不當立也至齊人取子糾殺之

此復繫子者罪齊大夫既盟而殺之也與徵之事

全異魏徵事皇太子太子死遂忘戴天之仇而

建成早除秦玉世民及建成敗世民為太子召徵

謂曰汝何為離間我兄弟徵舉止自若對曰先太

子早從徵言必無今日之禍太子敗容禮之引為

魯事主簿亦召王珪常挺於雋州皆以為諫議大

夫○記曲禮上篇父之仇弗與其載天注父者子

之天不能復父之仇仰無以視乎皇天矣仇之

義誓不與仇人俱生也○管仲不死子糾之難而

事桓公按春秋傳魯莊八年齊襄公無道鮑叔牙

仲請囚鮑叔牙言於桓公公以為相

使魯弒子糾而請管召忽死之管

公○子糾奔魯魯人納之未克而小白入是為桓公

仲請囚鮑叔牙言於桓公公以為相

使魯弒子糾而請管召忽死之管

公○子糾奔魯魯人納之未克而小白入是為桓公

仲請囚鮑叔牙言於桓公公以為相

使魯弒子糾而請管召忽死之管

公○子糾奔魯魯人納之未克而小白入是為桓公

仲請囚鮑叔牙言於桓公公以為相

使魯弒子糾而請管召忽死之管

公○子糾奔魯魯人納之未克而小白入是為桓公

仲請囚鮑叔牙言於桓公公以為相

使魯弒子糾而請管召忽死之管

公○子糾奔魯魯人納之未克而小白入是為桓公

仲請囚鮑叔牙言於桓公公以為相

使魯弒子糾而請管召忽死之管

公○子糾奔魯魯人納之未克而小白入是為桓公

仲請囚鮑叔牙言於桓公公以為相

使魯弒子糾而請管召忽死之管

公○子糾奔魯魯人納之未克而小白入是為桓公

仲請囚鮑叔牙言於桓公公以為相

使魯弒子糾而請管召忽死之管

凍水司馬氏曰李延壽之書亦近世之佳史也雖於

機祥詠嘲小事無所不載然叙事簡徑比於南北

正史無繁冗蕪穢之辭竊謂陳壽之後唯延壽可

以垂之但恨延壽不作志使數代制度沿革皆沒

不見耳集李延壽按唐鑑延壽相州人仕為崇文

館學士嘗進述父志作南北史一百公

生聖天卷五十五

十篇上之。又撰太宗政典。高宗觀之。皆美。直筆。賜帛。褒之。陳壽按晉書。壽。巴西人。少好學。事同郡。譙周。張華愛其才。舉孝廉。除著作郎。撰三國志。六十五篇。時人稱善。叙事有良史之才。又著者。舊傳十餘節。行于世。

和靖尹氏曰。太史公不明理。只是多聞。如伯夷序傳。

引盜跖是也。若孔子。雖顏子之天。只說不幸短命。死則知盜跖。乃罔之生也。幸而免者也。

元城劉氏問。馬求鄉近讀何書。對曰。讀西漢到酷吏。

傳曰。班氏特怨杜張。何也。曰。太史公時。湯周之後。未顯。至班氏。獨以為有子孫。以贖父罪。故入列傳。

班氏特怨杜張

曰。孟子云。名之曰。幽厲。雖孝子慈孫。百世不能改也。而班氏固輒沒其酷吏之名。何也。曰。世之論者。以謂二人皆有意。太史公之意。欲以教後世人。臣之忠。班氏之意。欲以教後世人。子之孝。曰。此固然也。然班固於此。極有深意。張湯之後。至後漢。猶盛有恭侯純者。雖王莽時。亦不失爵。至建武中。歷位至大司空。故班固不使入酷吏傳。以張純之故也。曰。是時杜氏之絕已矣。而亦不入酷吏傳。何也。曰。杜張。下等人也。若獨令張湯入列傳。則世得以議。

已故并貸杜周此子產立公孫洩之義也未卿退而檢左氏鄭卿良霄字伯有既死為厲國人大懼子產以謂鬼有所歸乃不為厲乃立公孫洩良止以止之公孫洩子孔之子也良止良霄之子也鄭殺子孔子孔雖不為厲故亦立之且伯有以罪死立後非義也恐惑民故立洩使若自以大義存誅

絕之後不因其為厲也

**集覽**

張純按漢書絕杜陵人湯之後安世玄孫也父

故為成帝侍中絕襲上光武時更封武始侯嘗將突騎安集荆揚絕在朝歷世明晉故事朝廷杜義多所正定後為大司空卒諡曰恭○杜周披漢書周杜衍人元封初為廷尉外寬內深其治大拔張

湯所為厥後孫捕系弘羊衛皇后昆弟子極其苛酷上以其剛方無私遷御史大夫○子產立公孫洩之義左傳襄三十年鄭人殺良霄○昭七年鄭人相驚曰伯有至矣○即良霄則皆走不知所往鑄刑書之歲二月在剪年或夢伯有介而行曰壬子六年三月三日余將殺帶也○駟帶助子哲殺伯有者明年壬寅七年正月二十八日余又將殺段也公孫段豐氏黨及壬子駟帶卒國人益懼齊燕平之月此年正月壬寅公孫段卒國人益懼七年二月子產立公孫洩及良止伯有之子使有宗廟以撫之乃止子大叔問其故子產曰鬼有所歸乃不為厲吾為之歸也及子產適晉趙景子成問焉曰伯有猶能為鬼乎子產曰然人生始化曰魄既生鬼陽曰魂用物精多則竟鬼強是以有精爽至漆神明匹夫匹婦強死其竟鬼猶能馮依於人以為淫厲况良霄我先君穆公之胄子良之孫子耳之子敬邑之卿從政三世矣鄭雖無脾抑諺曰葛尔國而三世執其政柄其用物也弘矣其取精也多

矣其族又大所馮厚矣而  
嗚死能為鬼不亦宜乎

○新唐書叙事好簡畧其辭故其事多鬱而不明  
此作史之弊也且文章豈有繁簡也意必欲多則  
冗長而不足讀必欲其簡則僻澁令人不喜讀假  
令新唐書載卓文君事不過止曰少嘗竊卓氏以  
逃如此而已班固載此事乃近五百字讀之不覺  
其繁也且文君之事亦何補於天下後世哉然作  
史之法不得不如是故可謂之文如風行水上出  
於自然也若不出於自然而有意於繁簡則失之

矣唐書進表云其事則增於前其文則省於舊且  
新唐書所以不及兩漢文章者其病正在此兩句  
也又反以為工何哉然新舊唐史各有長短未易

優劣也

**集覽**

卓文君按漢書文君臨邛富人卓王孫之  
女因夜奔司馬相如相如曰蓋歸臨邛從昆弟  
家徒四壁文君不樂謂相如曰蓋歸臨邛從昆弟  
假貸箱足為生相如從之盡賣車馬置酒舍令文  
君當壚相如者犢鼻褌器於市中王孫耻之乃  
與文君僕百餘錢百萬仍歸成都建元初相如著  
子通賦獻帝上悅之拜為郎遷文園公

朱子曰司馬遷才高識亦高但粗率○太史公書疎  
爽班固書密塞○或謂五帝紀所取多古文尚書

及大戴禮為主為知所考信者然伏羲神農見易  
太傳乃孔聖之言而八卦列於六經為萬世文字  
之祖不知史遷何故乃獨遺而不錄遂使史記一  
書如人有身而無首此尚為知所考信耶○司馬  
子長動以孔子為證不知是見得亦且是如此說  
所以呂伯恭發明得非細只恐子長不敢承領爾  
○史記亦疑當時不曾得刪改脫藁高祖紀記迎  
太公處稱高祖此樣處甚多高帝未崩安得高祖  
之號漢書盡改之矣左傳只有一處云陳桓公有

史記卷之五十五

六

寵於王

**集覽**

陳桓公按左傳桓公名鮑平舜之後也  
公弟陀其母蔡女故蔡人為之作殺五父  
及桓公太子免而  
立他處是為房公

○或謂史遷不可謂不知孔子然亦知孔子之粗  
耳歷代世變即六國表序是其極致乃是俗人之  
論知孔子者固如是耶正朔服色乃當時論者所  
共言如賈生公孫臣新垣平之徒皆言之豈獨遷  
也 **集覽** 新垣平按漢書新垣平趙人文帝時屢以奸  
詐諂帝信而悅之拜太中大夫未幾人告  
平所言皆詐下  
吏洵斬于市  
○問伯夷傳得孔子而名益彰曰伯夷當初何嘗

史記卷之五十五

七



指望孔子出來發揮他又問黃屋左纁朝以十月

葬長陵此是大事所以書在後曰某嘗謂史記恐

是箇未成底文字故記載無次序有疎闊不接續

處如此等是也集覽黃屋左纁漢高本紀注蔡邕曰天子車翠羽蓋以黃繒為裏是

為黃屋纁以駝牛尾為之如斗或在衛上或在左

纁之故曰左纁一七音道葬長陵按一統志

漢高祖長陵在西安府咸陽縣東三十五里徙關

東家於此置陵邑

○伯夷傳辨許由事固善然其論伯夷之心正與

求仁得仁者相反其視蘇氏之古史孰為能考信

於孔子之言耶集覽許由高士傳由字武仲聞堯致

箕山之下堯又召為九州長由不欲聞之洗耳於

穎濱時有巢父牽犢欲飲之見由洗耳而問其故

由對曰堯欲召我上惡其聲是故洗耳巢父曰子

若處高岸深谷誰能見子子故浮游欲聞求其各

牽犢上流飲之

○或以史遷能貶卜式與桑弘羊為伍又能不與管

仲李克為深知功利之為害不知六國表所謂世

異變成功大議卑易行不必上古貨殖傳譏長貧

賤而好語仁義為可羞者又何謂耶集覽桑弘羊按

洛陽賈人子以心計不用籌筭言利事折秋毫年

管天下之盜鉄作平準之法而天下用饒元封中賜爵左庶長李克按史畧克親人文侯斯卜相閻克曰先生嘗教寡人家貧思良妻國亂思良相今所相親成崔璜二子何如對曰君見其所親富視其所與達視其所本窮視其所不為貧視其所不取五者足以定之矣子夏田子方段干木成所奉也於是乃相成注成文侯弟也

○或謂遷言公孫弘以儒顯為譏弘之不足為儒不知果有此意否彼固謂儒者博而寡要勞而少功是以其事難盡從然則彼所謂儒者其意果何如耶○班固作漢書不合要添改史記字行文亦有不識當時意思處如七國之反史記所載甚疎

略却都是漢道理班固所載雖詳便却不見此意思呂東萊甚不取班固如載文帝建儲詔云楚王季父也春秋高閱天下之義理多矣明於國家之大體吳王於朕兄也惠仁以好德淮南王弟也秉德以陪朕豈不為豫哉固遂節了吳王一段只於淮南王下添皆字云皆秉德以陪朕蓋陪字訓貳以此言第則可言兄可乎今史記中却載全文又曰屏山却云固作漢紀有學春秋之義其叙傳云為春秋考紀又曰遷史所載皆是隨所得者載入

正如今人草藁如酈食其踞洗前面已載一段未

後又載與前說不同蓋是兩處說已寫入了又據

所得寫入一段耳集酈食其踞洗按漢書食其陳

見高帝帝方婚床使兩女子洗足食其說之帝齧

洗近坐問討遂使說齊下七十餘城及韓信攻齊

上以食其為○漢書有秀才做底文章有婦人做底文字亦有

載當時獄辭者秀才文章便易曉當時文字多碎

句難讀尚書便有如此底周官只如今文字太齊

整了○孔明治蜀不曾立史官陳壽檢拾而為蜀

志故甚略孔明極是子細者亦恐是當時經理王

業之急有不暇及此○晉書皆為許敬宗胡寫入

小說又多改壞了東坡言孟嘉傳陶淵明之自然

今改云使然更有二二處一作此之文類甚多東坡此文

亦不曾見包揚因問晉書說得晉人風流處好曰

世說所載說得較好今皆改之矣集許敬宗按唐

族杭州人父善心仕隋為給事中敬宗善屬文太

宗開其名置文李誦李士尋除著作郎無修因史

貞觀初駐蹕山破賊命單詔馬前授筆既帝益

愛之由是專得掌誥令高宗將立武昭儀為后敬

宗陰揣其私力贊成之武后德焉遷弘文館大率

士孟嘉按晉書嘉江夏人宗曾孫少知名太尉使

亮領江州辟為從事亮嘗大會客豫章太守褚裒問嘉安在亮由是益重嘉後為桓溫參軍九日宴龍山風吹帽落嘉不覺溫命孫盛為文嘲之嘉即為答文甚美四坐嘆賞後遷長史

○載記所紀夷狄祖先之類特甚此恐其故臣追記而過譽之○問班史通鑑二氏之學如何曰讀其書自可見又曰溫公不取孟子取楊子至謂王伯無異道夫王伯之不侔猶砥礪之於美玉故荀卿謂粹而玉駁而伯孟子與齊梁之君力判其是非者以其有異也○史記功臣表與漢史功臣表其戶數先後及姓名多有不同二史各有是非當

以傳實證之不當全以史記所傳為非真也如淮陰為連敖典客漢史作票客顏師古謂其票疾而以賓客之禮禮之夫淮陰之亡以其不見禮於漢也蕭何追之而薦於漢王始為大將若已以賓禮禮之淮陰何為而亡哉此則史記之所載為是三代代表是其踈謬處無可疑者蓋他說行不得若以為堯舜俱出黃帝是為同姓之人堯固不當以二女嬪于虞舜亦豈容受堯二女而安于同姓之無別又以為湯與王季同世由湯至紂凡十六傳王

季至武王纔再世爾是文王以十五世之祖事  
五世孫紂武王以十四世祖而伐之豈不甚謬戾  
耶通鑑先後之不同者却不必疑史家叙事或因  
時而記之或因事而見之田和遷康公通鑑載於  
安王十一年是因時而紀之也史記載於安王十  
六年是因事而見之也何疑之有只有伐燕一節  
史記以為潛王通鑑以為宣王史記却是攷他源  
流來通鑑只是憑信孟子温公平生不喜孟子到  
此又却信之不知其意如何張敬夫說通鑑有未

盡處似此一節亦是可疑

集注 淮陰為連教典客按  
史記漢元年初淮陰

人韓信從項梁度淮數以策于項羽不用亡歸漢  
為連教典客注連教典客秦之官名職掌治歲即  
漢之治粟都尉也顏師古按唐書師古與和臨沂  
人顏子三十七世孫校定經史注班固西漢書修  
五禮成進子爵終秘書監銀青光祿大夫弘文館  
學士田和遷康公通鑑外紀周安王十一年齊田  
和遷其君貸於海上食一城注和田常曾孫為齊  
相故遷之康公名真平公之子安王二十三年卒  
無子和  
遂并齊

遷固之史大槩只是計較利害范曄更低只主

張做賊底後來他自做却敗温公通鑑凡涉智數

險詐底事往往不載却不見得當時風俗如陳平

說高祖間楚事亦不載上二段不若全載了可以見當時事情却於其下論破乃佳又如亞夫得劇孟事通鑑亦節去意謂得劇孟不足道不知當時風俗事勢劇孟輩亦係輕重如周休且能一夜得三萬人只緣吳王敗後各自散去其事無成温公於此事却不知不覺載之盖以周休名不甚顯不若劇孟耳想温公平日耐劇孟不知温公為將設遇此人奈得他何否又如論唐太宗事亦殊未是吕氏大事記周赧後添繫秦亦未當當如記楚

漢事並書之項籍死後方可專書漢也

范曄撰南史

字蔚宗順陽人泰之子好學善文章諱書曉音律宋元嘉初為宣城太守累遷太子詹事所著有後漢書陳平說高祖間楚事通鑑楚漢下酉年夏四月楚圖漢王於滎陽漢王謂陳平曰天下紛紜何時定乎平曰項王骨鯁之臣亞夫蓋數人耳行間以疑其心破楚必矣王與平黃金四十斤不問其出入平多縱反間羽大疑亞父請骸骨歸咎發皆死耳亞夫得劇孟事按通鑑孟洛陽人以俠顯名景帝時吳楚反周亞夫乘傳至河南而得孟喜曰吳楚卒大事而不求劇孟吾知其無能為矣

○通鑑文字有自改易者仍皆不用漢書上古字皆以今字代之南北史除了通鑑所取者其餘只是一部好笑底小說○胡明仲看節通鑑文定問

當是溫公節否明仲云豫讓好處是不以死生二其心故簡子云真義士也今節去之是無見識必

非溫公節也集豫讓按通鑑談上黨人初仕晉太夫智伯智伯為趙襄子所滅為之

報仇變姓名為刑人挾匕首欲刺襄子不果又漆身為黠履吞炭為啞伏於橋下為襄子所獲請襄子衣援劍三躍而擊之乃伏劍而死

○通鑑例每一年或數次改年號者只取後一號故石晉冬始篡而以此年繫之曾問呂文呂文曰

到此亦須悔然多了不能改得某只以甲子繫年下面注所改年號集石晉冬於篡而以此年係之按五代史石敬瑭沙陀人為

明宗之督唐清泰二年以為天平節度使拒命發兵討之敬瑭遣兵求救於契丹立為皇帝既得位以十六州之地以賂契丹事之甚謹上表稱兒皇帝君臣耻之威德節度使安重榮殺契丹使者敬瑭以重榮契丹間罪不已敬瑭以重榮在位七年

非春秋存陳之意

○或問溫公舊例年號皆以後改者為正此殊未安如漢建安二十五年之初漢尚未亡今便作魏黃初元年奪漢太速與魏太遠大非春秋存陳之意恐不可以為法此類尚一一條不知前賢之意果如何爾○問溫公論才德如何曰他便專把朴者為德殊不知聰明果敢正直中和亦是才亦是

聖人以仁為德

德○才有好底有不好底德有好底有不好底德者得之於己才者能有所為如溫公所言才是不好底既才是不好底又言才德兼全謂之聖人則聖人一半是不好底溫公之言多說得偏謂之不是則不可○問溫公言聰察疆毅之謂才聰明恐只是才不是德曰溫公之言便是有病堯舜皆曰聰明又曰欽明又曰文明豈可只謂之才如今人不聰明更將何者喚作德也○問溫公以正直中和為德聰明疆毅為才曰皆是德也聖人以仁智

勇為德聰察便是智疆毅便是勇○問諸儒才德之說曰合下語自不同如說才難須是那有德底才高陽氏才子八人這須是有德而有才底若是將才對德說則如周公之才之美樣便有是才更要德這箇合下說得自不同又問智伯五賢曰如說射御足力之類也可謂之才

**高陽氏才子八**  
按通鑑外紀

顯頊高陽氏爰鄰屠氏之女生蒼舒隕豷持戴大臨虎降庭堅仲容叔達八人天下之人謂之八愷是也智伯五賢曰如說射御足力之類

通鑑周威烈王二十三年初智宣子將以瑤為後智果曰不如宵也瑤之賢於人者五其不逮者一也美鬚長大則資射御足力則賢技藝畢給則賢巧文辨詩



則賢強毅果敢則賢如是而其不仁夫以其五賢  
陵人而以不仁行之其誰能待之若果立焉也智  
宗必滅荆所督果別  
族於太史為輔氏

○通鑑告姦者與斬敵首同賞不告姦者與降敵  
同罰史記商君議更法首便有斬敵首降敵兩條  
賞罰後面方有此兩句比類之法其實秦人上戰  
功故以此二條為更法之首溫公却節去之只從  
後兩句比類之法遂使讀之者不見來歷溫公脩  
書凡與己意不合者即節去之不知他人之意不  
如此通鑑此類多矣

**集覽** 秦人上戰功 譙周曰秦用  
鞅計置爵二十等以戰

復首級者計而受爵天下謂之上首功之國皆  
惡之也索隱曰秦法斬首多為上功謂斬一人首  
賜爵一級故謂之首功之國或曰  
上猶尚也鮑彪曰上時所尊上也

○問溫公通鑑不信四皓輔太子事謂只是叔孫  
通諫得行意謂子房如此則是脅其父曰子房平  
生之術只是如此唐太宗從諫亦只是識利害非  
誠實高祖只是識事機明利害故見四人者輔太  
子便知是得人心可以為之矣叔孫通嫡庶之說  
如何動得他又謂高祖平生立大功業過人只是  
不殺人溫公乃謂高祖殺四人甚異其後不

處所在又却載四人又不信劇孟事意謂劇孟何以為輕重然又載周休其人極無行自請於吳去呼名得數萬人助吳如子房劇孟皆溫公好惡所在然著其事而立論以明之可也豈可以有無其事為褒貶溫公此樣處議論極純因論章惇言溫公義理不透曰溫公大處占得多章小點何足以

知大處

覽集

四皓輔太子事謂只是叔孫通得行漢書高帝十一年上還長安疾益甚愈欲

易太子張良諫不聽因辭疾不視事叔孫通諫曰晉獻公以驪姬故廢太子國亂數十年秦以不蚤定扶蘇自使派托此陛下所親見今必欲廢嫡而立少臣願先伏誅以頸血洒地帝曰罷矣吾直職

耳通曰太子天下本一搖而天下震動奈何以天下為戲乎上許許而猶欲易之後置酒太子侍留侯所招四人者從年皆八十餘鬚眉皓白衣冠甚備上怪問之四人前對各言姓名上驚曰吾求公數歲公避進我今何自從吾兒游乎四人曰陛下輕士善罵臣等義不辱今聞太子仁孝恭敬愛士天下莫不延頸願為太子死者故臣等來耳上曰願公幸卒調護四人出上召戚夫人指示之曰我欲易之彼四人者輔之羽翼已成難動矣章惇按宋鑑惇字子厚浦城人始生從父得象奇其風骨以為必貴元封中拜相封申國公名譽赫然

胡致堂云

通鑑久未成書或言溫公利餐錢故

遲遲溫公遂急結末了故唐五代多繁亂見管見

宗六月甲午條下○溫公之言如桑麻穀粟且如稽古錄

極好看常思量教太子諸王恐通鑑難看且看一部稽古錄人家子弟若先得此便是一部古今在肚裏了○稽古錄有不備者當以通鑑補之溫公作此書想在忙裏作成原無義例○稽古錄一書可備講筵官僚進讀小兒讀六經了令接續讀去亦好末後一表其言如著龜一一皆驗宋苜公歷年通譜與此書相似但不如溫公之有法也

**宋苜公** 按宋鑑宋苜字公序雍州人天聖初舉進士第一累官翰林學士參知政事與呂夷簡不合出知揚州皇祐中拜中書平章數言國家當鎮固根本嘉祐中拜相封首國公治平中改鄭國公

贈太尉諡元獻為人儉約好學不倦所著有按定國語補資通譜叢志諸書

○唐鑑欠處多看底辨得出時好○唐鑑多說得散開無殺殺如姚崇論擇十道使患未得人他自說得意好不知范氏何故却貶其說

**未得人** 唐鑑開元二年復置十道按察使或上一言按察使徒煩優公私請精簡刺史懸令停按察使姚崇以爲今止擇十使猶思未盡得人况天下三百餘州縣多數借安得皆精其職力止

○或謂史贊唐太宗止言其功烈之盛至於功德兼隆則傷夫自古未之有曰恐不然史臣止贊其功德之美無貶他意其意亦謂除隋之亂是功致

治之美是德自道學不明故言功德者如此分別  
以聖門言之則此兩事不過是功未可謂之德○  
范唐鑑首一段專是論太宗本原然亦未盡太宗  
後來做處儘好只為本領不是與三代便別問歐  
陽以除隋之亂比迹湯武致治之美庶幾成康贊  
之無乃太過曰只為歐公一輩人尋常亦不曾理  
會本領處故其言如此○范氏以武王釋箕子封  
比于事比太宗誅高德儒此亦據他眼前好處恁  
地比並也未論到他本原處似此樣且寬看若一

一責以全則後世之君不復有一事可言

子封北十事 史記武王克商踐天子之位乃及商  
致釋箕子囚封比于墓注箕子比干皆紂之親戚  
也 太宗誅高德儒通鑑隋煬帝十三年李湘遣其  
子世民擊西河郡拔之斬和丞高德儒數之曰汝  
指野鳥為鴛以欺人主吾與義兵正為誅佞人耳  
先是大業十一年有二孔雀自西流飛集寶成朝  
堂前德儒等奏以為為於此是百  
官相賀詔以德儒拜朝散大夫

○范唐鑑第一段論守臣節處不圓要做一書補  
之不曾做得范此文草草之甚其人資質渾厚說  
得都如此平正只是疎多不入理終守臣節處於  
此亦須有些處置豈可便如此休了如此議論豈

不為英雄所笑。○唐鑑白馬之禍諸公論不及此。

**集** 白馬之禍 通鑑唐昭宣帝天祐二年梁王朱全忠後官者裴樞獨爪損崔遠陸衣王溥等三十餘人於白馬驛一夕盡殺之投尸於河

○唐鑑意正有踈處孫之翰唐論情練說利害如

身處親歷之但理不及唐鑑耳 **集** 孫之翰 按宋鑑

春人日記數千言舉進士累官右正言時事多所建明官至天章閣待制河北都轉運使有文集七

卷著唐史記七十五卷

○呂伯恭晚年謂人曰孫之翰唐論勝唐鑑要之

也是切於事情只是大綱却不正了唐鑑也有綴

而不精確處如言租庸調及楊炎二稅之法說得

都無收殺只云在於得人不在乎法有這般苟且

處審如是則古之聖賢徒法云爾他也是見熙寧

間詳於制度故有激而言要之只那有激便不平

**正** 租庸調 通鑑隋恭帝皇泰二年二月唐定租

有庸調法注王崇日有賦則有租有身則有庸

年始作兩稅法唐初賦歛之法有田則有租有身

則有一庸有戶則有調玄宗之末版籍寢壞至德兵

起所在賦歛迫趣取辦無復常准下戶不勝困弊

率皆逃徙至是楊炎建議先計州縣每歲所用及

上供之數而賦於人量出以制入戶無主客以見

君為簿人無丁中以貧富為率為行商者在所州

縣稅三十之一一居人之稅秋夏兩徵之其租庸調

性理大全卷五十五

雜錄 悉皆按本傳揚炎字公南鳳翔天與人父  
舉進士拜諫議大夫棄官歸養炎豪爽尚氣父喪  
廬墓號慕不廢聲有紫芝白雀之祥詔表其閭炎  
三世以孝行聞至門樹六闕唐之德宗時拜相

五代舊史温公通鑑用之歐公蓋以此作文因有

失實處如宦者張居翰當時但言緩取一日則一

日固二日則二日固歐公直將作太忠說得太好

了覽集張居翰按五代史居翰故唐掖庭令張從卒  
之養子唐昭宗時為范陽軍監軍與節度使

劉仁恭相善天復中大誅宦者仁恭匿居翰大安  
山之北谿獲免其後梁兵攻仁恭仁恭遣居翰從

晉王攻梁路州以牽其兵晉取路州以居翰為  
義監軍莊宗即位與郭崇韜並為樞密使性宗滅

梁而驕宦官用事崇韜專政居翰默然而已  
莊宗遇弒進明宗紹位居翰求歸里閭尋卒

聖賢心法

○致堂管見方是議論唐鑑議論弱又有不相

應處前面說一項事未及說別處去○子由古史

舜紀所論三事其一許由者是已然當全載史遷

本語以該下隨務光之流不當但斥一許由而已

也然太史公又言箕山之上有所許由冢則又明其

實有是人亦當世之高士但無堯讓之事耳此其

曲折之意蘇子亦有所未及也其一瞽瞍殺舜蓋

不知其有無今但當知舜之負罪引慝號泣怨慕

象憂亦憂象喜亦喜與夫小杖則受大杖則走父

性理大全卷五十五

聖取貞  
之心  
淡然  
無欲

毋欲使之未嘗不在側欲求殺之則不可得而已  
爾不必深辨警象殺舜之有無也其一舜禹避丹  
朱商均而天下歸之則蘇子慮其避之足以致天  
下之逆至益避啓而天下歸啓則蘇子又譏其避  
之為不度而無耻於是凡孟子史遷之所傳者皆  
以為誕妄而不之信今固未暇質其有無然蘇子  
之所以為說者類皆以世俗不誠之心度聖賢則  
不可以不之辨也聖賢之心淡然無欲豈有取天  
下之意哉顧辭讓之發則有根於所性而不能已

者苟非所據則雖卮酒豆肉猶知避之况乎秉權  
據重而天下有歸已之勢則亦安能無所惕然於  
中而不遠引以避之哉避之而彼不吾釋則不獲  
已而受之何病於逆避之而幸其見舍則固得吾  
本心之所欲而又何耻焉唯不避而強取之乃為  
逆儼然當之而彼不吾歸乃可耻耳如蘇子之言  
則是凡世之為辭讓者皆陰欲取之而陽為遜避  
是以其言反於事實至於如此則不自知其非也  
舜禹之事世固不以為疑今不復論至益之專則

亦有不能無惑於其說者殊不知若太甲賢而伊尹告歸成王冠而周公還政宣王有志而其和罷此類多矣當行而行當止而止而又何恥焉蘇子蓋賢其和而尚何疑於益哉若曰受人之寄則當遂有之而不可歸歸之則為不度而無恥則是王莽曹操司馬懿父子之心而楊堅夫婦所謂騎虎之勢也乃欲以是而語聖賢之事其亦誤矣

覽集  
之上有許由冢按一絲志箕山在河南府登封縣東南三十里一名嶠嶺昔許由隱此堯召為九州長不欲聞滌耳水濱巢父牽犢上流而飲之即此上有許由墓舜之負罪引慝號泣怨慕書大禹謨

帝初耕歷山往于田日號泣于旻天于父母負罪引慝祗載見警聰斐一箭東警聰亦允若小杖則受大杖則走後漢崔烈子鈞烈位為三公論者然其銅臭烈擊之鈞走烈罵曰子披父搥而走孝乎鈞曰舜之事父小杖則受大杖則走非不孝烈漸而止屈酒豆肉記坊記觴酒豆肉讓而後食人猶犯責太甲賢而伊尹告歸商書咸有一德篇伊尹既復政厥辟將告歸乃陳戒于德注伊尹還政太甲將告老而歸私邑以一德陳戒其君也成王冠而周公還政史記成王長能听政周公歸政於王王臨朝周公北面統臣位宣王有志而共和罷通鑑外紀周厲王出奔于彘二相周公昭公以太子靜尚幼乃相與和協共理國事故稱共和王崩于彘二相奉靜即位是為宣王二相罷政揚堅夫婦所謂騎虎之勢通鑑周大象二年隋公揚堅欲革周命一夜召太史庾季才問曰天時人事何如對曰天道精微難可意測以人事上之符兆定矣堅妻獨孤氏謂堅曰騎虎之勢必不得下勉之



○古史言馬遷淺陋而不學疎略而輕信此二句最  
 中馬遷之失呂伯恭極惡之古史序云古之帝王  
 其必為善如火之必熱水之必寒其不為不善如騶  
 虞之不殺竊脂之不穀此語最好某嘗問伯恭此  
 豈馬遷所能及然予由此語雖好又自有病處如  
 云帝王之道以無為為宗之類他只說得箇頭勢  
 大下面工夫又皆空疎亦猶馬遷禮書云大哉禮  
 樂之道洋洋乎鼓舞萬物役使羣動說得頭勢甚  
 大然下面亦空疎却引荀子諸說以足之又如諸

得聖人為邦之法

侯年表盛言形勢之利有國者不可無末却云形  
 勢雖強要以仁義為本他上文本意主張形勢而  
 其末却如此說者蓋他也知仁義是箇好底物事  
 不得不說且說教好看如禮書所云亦此意也伯  
 恭極喜渠此等說以為遷知行夏之時乘殷之輅  
 服周之冕為得聖人為邦之法非漢儒所及此亦  
 眾所共知何必馬遷然遷嘗從董仲舒游史記中  
 有余聞之董生云此等語言亦有所自來也遷之  
 學也說在義也說詐力也用權謀也用功利然其

聖賢以六經垂訓

本意却只在於權謀功利孔子說伯夷求仁得仁又何怨他一傳中首尾皆是怨辭盡說壞了伯夷子由古史皆刪去之盡用孔子之語作傳豈可以子由為非馬遷為是聖賢以六經垂訓炳若丹青無非仁義道德之說今求義理不於六經而反取疎略淺陋之子長亦惑之甚矣○溫公通鑑以魏為主故書蜀丞相亮寇何地從魏志也其理都錯某所作綱目以蜀為主後劉聰石勒諸人皆晉之故臣故東晉以君臨之至宋後魏諸國則兩朝平

書之不主一邊年號只書甲子

覽集

劉聰按晉載武

子傳涉經史孫吳兵法交結名士皇太弟以為積  
營將算及淵僧號封楚王淵死太子和立聰弒之  
而莫其位永嘉中皮陌兩都俘囚二帝却又承  
太后斬戮諫輔府藏空竭民不聊生在位七年而  
死石勒按晉載記勒武鄉胡人初為盜後從劉淵  
為冠軍將軍太興初劉曜封為蒲王既而與曜有  
隙曜攻勒為勒所殺盡有秦隴之地咸  
和中稱帝建國號趙僭位六年而死

○問正統之說自三代以下如漢唐亦未純乎正統乃變中之正者如秦西晉隋則統而不正者如蜀東晉則正而不統者曰何必恁地論只天下為一諸侯朝覲獄訟皆歸便是得正統其有正不正

又是隨他做如何恁地論有始不得正統而後方  
得者是正統之始有始得正統而後不得者是正  
統之餘如秦初猶未得正統及始皇并天下方始  
得正統晉初亦未得正統自泰康以後方始得正  
統隋初亦未得正統自滅陳後方得正統如本朝  
至太宗并了太原方是得正統又有無統時如三  
國南北五代皆天下分裂不能相君臣皆不得正  
統一作此時某嘗作通鑑綱目有無統之說此書  
今未及脩後之君子必有取焉溫公只要編年號

皇朝通志卷之五十五

二十一

相續此等處須把一箇書帝書朋而餘書主書殂  
既不是他臣子又不是他史官只如有人立看一  
般何故作此尊奉之態此等處合只書甲子而附  
註年號於其下如魏黃初幾年蜀章武幾年吳青  
龍幾年之類方為是又問南軒謂漢後當以蜀漢  
年號繼之此說如何曰如此亦得他亦以蜀漢是  
正統之餘如東晉亦是正統之餘也又問東周如  
何曰畢竟周是天子又問唐後來多藩鎮割據  
唐末天子不能有其土則如何曰唐之天下甚闊

皇朝通志卷之五十五

二十一

所不服者只河北數鎮之地而已

一云安得謂不

**集覽**

太宗并了大夏通鑑宋太宗太平興國四年二月帝自將伐漢至大原督諸軍圍城五月漢王繼元降詔賜

○問宋齊梁陳正統如何書曰自古亦有無統時

如周亡之後秦漢帝之前自是無所統屬底道理

南北亦只是並書又問東晉如何書曰宋齊如何

比得東晉又問三國如何書曰以蜀為正蜀亡之

後無多字便是西晉中國亦權以魏為正又問後

唐亦可以繼唐否曰如何繼得○問綱目主意曰

主在正統問何以主在正統曰三國當以蜀漢為

正而溫公乃云某年某月諸葛亮入寇是冠履倒

置何以示訓緣此遂欲起意成書推此意脩正處

極多若成書當亦不下通鑑許多文字但恐精力

不逮未必能成耳若度不能成則須焚之○綱目

於無正統處並書之不相主客通鑑於無統處須

立一箇為主某又參取史法之善者如權臣擅命

多書以某人為某王某公范曄却書曹公自立為

魏公綱目亦用此例○楊雄荀彧二十事按溫公舊

例凡莽臣皆書死如太師王舜之類獨於楊雄匿其所受莽朝官稱而以卒書似涉曲筆不免却按本例書之曰莽大夫楊雄死以為足以警夫畏死失節之流而初亦未改溫公直筆之正例也荀彧却是漢侍中光祿大夫而參丞相軍事其死乃是自殺故但據實書之曰某官某人自殺而系於曹操擊孫權至濡須之下非故以彧為漢臣也然悉書其官亦見其實漢天子近臣而附賊不忠之罪非與其為漢臣也此等處當時極費區處不審竟

得免於後世之公論否胡氏論彧為操謀臣而劫遷九錫一事皆為董昭先發故欲少緩九錫之議以俟他日徐自殺之其不遂而自殺乃劉穆之之類而宋齊立於南唐事亦相似此論竊謂得彧之

情覽集 昭齊除定陶人初舉表紹歸曹操勸操挾天子令諸侯卒成伯業一拜司徒嘗上疏陳末流之弊卒以謫定侯列穆之按南史穆之清州莒人徙居京

口從宋武帝平建鄴諸大處分倉卒立定累加尚書左僕射帝北伐留守建鄴內總朝政外供軍旅火斷如流事無壅滯後以左命元勳追封南康郡公謚史宣

○因說通鑑提綱例凡逆臣之死皆書曰死至秋

三皇... 卷之五... 二

仁傑則甚疑之李氏之復雖出於仁傑然畢竟是死於周之大臣不奈何也教相隨入死例書云某年月日狄仁傑死也○伯恭大事記辨司馬遷班固異同處最好渠一日記一年渠大抵謙退不敢任作書之意故通鑑左傳已載者皆不載其載者皆左傳通鑑所無者耳有大纖巧處如指出公孫弘張湯姦狡處皆說得羞愧人伯恭少時被人說他不曉事故其論事多指出人之情偽云我亦知得有此意思不好

東萊呂氏曰史官者萬世是非之權衡也禹不能褒  
鯀管蔡不能貶周公趙盾不能改董狐之書崔氏  
不能奪南史之簡公是公非舉天下莫之能移焉  
自古有國家者皆設史官典司言動凡出入起居  
發號施令必九思三省莫而後發兢兢慄慄恐播  
於汗簡貽萬世之譏是豈以王者之利勢而不制  
於一臣哉亦以公議所在不得不畏耳漢紹堯運  
置太史令以紀信書而司馬氏仍父子篡其職軼  
材博識為史臣首遷述黃帝以來至于麟止勒成

一家世號實錄武帝乃惡其直筆刊落其書嗚呼亦惑矣公議之在天下抑則揚塞則決窮則通縱能削一史官之書安能盡梏天下之筆乎

**集覽** 趙盾

**改董狐之書**按左傳董狐晉史官潁公欲殺趙盾盾出奔已而趙穿弒公盾遂復董狐書曰趙盾弒其君曰不然對曰子為正卿七不越境復不討賊非子而誰孔子曰董狐古之良史也書法不隱氏不能奪南史之簡左傳襄二十五年太史書崔杼弒其君崔子殺之其弟嗣書而死者二人乃舍之南史聞太史盡死執簡以往聞既書矣乃還漢堯通按西漢書西漢高帝堯之後堯以火德漢亦以火德故曰漢紹堯運也

問焉遷既漢武時人必能詳記武帝故實及觀武紀

止言封禪禱祠神仙方士等事他全不及至八書中固有略及武帝者然封禪書不過又述武紀所言平準書又何獨詳述武帝生財法至律書言兵又言文帝而不及武帝遷謂夫子春秋於定哀也則微亦須略舉弘綱而或詳載或不載既自不同若武紀猶可疑者潛室陳氏曰史記不專為漢史乃歷代之史故其紀漢事略於漢書而紀武帝事獨詳若封禪平準二書雖謂之南史家風可也○問漢史上自天文地理下至溝洫刑法皆為立志

華紀  
添足

而選士之法最為近古何乃不為立志曰漢書缺  
典處兵無志選舉無志為太史公未作得此書故  
孟堅因陋就簡○問太史公作史記上自唐虞而  
入書之作止言漢事班孟堅作漢史合紀漢丁代  
事而乃作古今人表何耶曰八書未必皆言漢事  
獨平準書專言武帝其贊却說古今漢志雖為一  
代作然皆自古初述起獨古今人表專說古而不  
說今自悖其名先輩掌識之中間科等分別人物  
又煞有可議此却班史之贊畫蛇添足

集覽  
八書漢  
書注可

馬比作史記有八書一曰禮書二曰樂書三曰律  
書四曰曆書五曰天官書六曰平準書七曰河渠  
書八曰封禪書

字學

程子曰某寫字時甚敬非是要字好只此是學○問

張旭  
法快筆

張旭學草書見擔夫與公主爭道及公孫大娘舞  
劍而後悟筆法莫是心常思念至此而感發否曰  
然須是思方有感悟處若不思怎生得如此然可  
惜張旭留心於書若移此心於道何所不至

集覽  
張旭

草書按唐鑑一旭蘇州吳人善草書嗜酒每大醉  
呼呼狂走乃下筆或以頭濡墨而書既醒自視以



為神世孫張顛嘗對常熟有父老屢求判其狀張怒父老曰見公筆勢奇斌欲家藏之耳遂判與之見擔夫與公主爭道及公孫太娘窈窕劍幽間錄云張旭書得筆法傳崔邈顏真卿旭言始吾聞公主擔夫爭道而得筆法之意後見公孫氏舞劍器而得其神每醉輒草書揮筆大呼以頭搥水墨中天下呼為張顛醒後自視以為神異

張子曰草書不必近代有之必自筆創已來便有之

但寫得不謹便成草書其傳已久只是法備於右

軍附以已書為說既有草書則經中之字傳寫失

其真者多矣以此詩書之中字儘有不可通者

法備於右軍按晉書王羲之字右軍琅琊臨沂人傳於會稽司徒導之從子父曠淮南太守羲之幼

訥于言及長辨贖善書為古今之冠仕至右軍將軍會稽內史

問蒼頡作字亦非細人朱子曰此亦非自撰出自是

理如此如心性等字未有時如何撰得只是有此

理自流出蒼頡作字按統志頡南樂吳村人生而神聖有四月黃帝時為史官因觀鳥跡蟲文而制文字以代結繩之政百官以治萬民以察至秦滅其籍而文不傳矣

○二王書某曉不得看者只見俗字今有箇人書

得如此好俗法帖上王帖中亦有寫唐人文字底

亦有下釋名底此皆偽者二王書南史齊張融覽集善草書高帝曰卿恨

無二王書一法答曰臣非恨無二王法亦恨二王無二王法注二王謂王羲之及子王獻之也

○字被蘇黃胡亂寫壞了近見蔡君謨一帖字字

有法度如端人正士方是字覽集蔡君謨按宋繼蔡

天聖中進士累官知諫院正色讜言精於吏事下

不能欺欺所至有聲能文章尤工於書為當時第一

官至端明殿學士卒謚忠惠

○山谷不甚理會得字故所論皆虛米老理會得

故所論皆實嘉祐前前輩如此厚重胡安定於義

理不分明然是甚氣象覽集米老理會得按宋鑑米

襄陽號海嶽外史為文奇險特妙於翰墨書山水

人物自名一家精於篆隸遇古鍾鼎器物書畫極

力求取照豐間以恩補校書郎歷洽

光尉累官禮部員外郎知淮陽軍

○南海諸蕃書教有好者字畫遒勁如古鐘鼎款

識諸國各不同風氣初開時此等事到處皆有開

其先者不獨中國也或問古今字畫多寡之異曰

古人篆籀筆畫雖多然無一筆可減今字如此簡

約然亦不可多添一筆便是世變自然如此一問

何謂書窮入法曰只一點一畫皆有法度人言求

字體具入法蔡行夫問張于湖字何故人皆重之

曰也是好但是不把持愛放縱本朝如蔡忠惠以

前皆有典則及至米元章黃魯直諸人出來便不

皆德地要之這便是世態衰下其爲人亦然

覽集窮

八法書法苑王逸少書偏工書末以其八法之勢能通一切字末字八畫也又曰以末字爲例蔡邕得之異入相傳至張旭以投李陽冰也

○問明道先生云某寫字時甚敬非是要字好只此是學意謂此正在勿忘勿助之間也今作字忽忽則不復成字是忘也或作意令好則愈不能好是助也以此知持敬者正勿忘勿助之間也曰若如此說則只是要字好矣非明道先生之意也○問禮樂射御書數書莫只是字法否曰此類有數

法如日月字是象其形也江河字是諧其聲也考老字是假其類也如此數法若理會得則天下之字皆可通矣

臨川吳氏曰聲音用三十六字母尚矣俗本傳訛而

莫或正也群當易以芹非當易以威知徹牀娘四字宜廢圭缺群危四字宜增樂安陳晉翁以指掌圖爲之節要卷首有切韻須知於照穿牀娘下註曰已見某字母下於經堅輕牽繫虔外別出肩涓傾圈瓊拳則宜廢宜增蓋已瞭然矣○倉頡字世

小篆  
大篆  
古文

謂之古文其別出者謂之古文奇字自黃帝以來  
 至於周宣王二千年間中國所通行之字惟此而  
 已史籀始略變古法謂之大篆李斯又略變籀法  
 謂之小篆小篆大篆古文名則三實則小異而大  
 同今世字書惟許氏說文最先然所纂皆秦小篆  
 爾古文大篆僅存一二宋薛氏集古鐘鼎之文為  
 五聲韻雖其所據有可信者有不可信者然使學  
 者因是頗見三代以前之遺文其功實多

集覽 史籀  
變古法謂之大篆 史記周宣王史籀變科斗以為  
大篆注古書謂之篆文文盤曲貌李斯又畧變籀

唐與宋  
日與月  
相與

法謂之小篆史記秦李斯作  
 蒼頡篇取籀省文以為小篆

○秦丞相斯燔滅聖經負罪萬世而能損益倉史  
 二家文字為篆書至今與日月相煥是固不可  
 以罪掩其功也斯誅之後工其書以名世者誰歟  
 七八百年僅見唐李陽水又二百年僅見宋初徐  
 鉉而巳宋人能者多於唐而表表者不一二噫何  
 其孤也哉蓋亦有其故矣秦人苟簡煩碎峻迫以  
 為治壹惟刀筆吏是任至以衡石程其書厭篆書  
 繁難省徑為隸以便官府人惟便之趨則孰肯背

時所向而甘心繁難者哉篆學之孤殆其勢之所  
必至噫篆之興繇於秦而篆之廢實亦繇於秦推  
所從來任吏之過也

**覽集**

秦丞相李斯燔滅聖經史  
畧秦始皇帝三十四年丞  
相李斯上書曰異時諸侯並爭厚招游學今天下  
已定法令出百姓當家則力農土士則學習法令  
今諸生不師今而學古以非當世惑亂黔首聞令  
下則各以其學議之入則心非出則巷議率群下  
以造謗臣請史官非秦記皆燒之非博士官所職  
天下有藏詩書百家語者皆詣守尉雜燒之有偶  
語詩書者棄市以古非今者族所不去者醫藥卜  
筮種樹之書若有欲學法令以吏為師制曰可李  
陽水按通鑑李陽水唐宗室也善古書法開元間  
為當塗令李白以其族人往依之乾元初為縉雲  
令修孔子廟歲旱禱雨於城隍約以五日不雨將  
焚其祠如期果雨秩滿退居吏隱山創堊曰忘歸

多題詠篆刻為世所寶其後舒元與叙之云秦李  
斯作玉筋篆更入一姓無出其右唐李陽水窮入篆  
室獨能隔千年與李斯相見其格  
峻其力猛天以字寶瑞吾唐矣

○自隸興於秦而篆廢於漢其初不過圖簡便以  
適已而已漢隸之流為晉隸則又專務姿媚以悅  
人妍巧千狀見者無不愛學者竭其精力以模擬  
之而患不似也夫字者所以傳經載道述史記事  
治百官察萬民貫通三才其為用大矣縮之以簡  
便華之以姿媚偏旁點畫浸浸失真弗省弗顧惟  
以悅目為姝何其小用之哉漢晉而後若唐若宋

三十一  
三十一

聲明文物之盛各三百年頗有肯尋斯籀之緒上  
追科斗鳥迹之遺者視漢晉為優然亦間見爾不  
易得也就二代而論唐之能者超於宋宋之能者  
多於唐集科斗鳥跡尚書序魯菜王好治宮室囊  
藏古文虞夏商周之書及傳論語孝經皆科斗文  
字云云科斗書發已父時人無能知者科斗各  
異子書形似之史記蒼頡黃帝史臣觀鳥跡象  
之以作文字鬼夜哭龍潛藏為有文字恐人畫之  
故鬼哭龍藏

### 科舉之學

程子曰漢策賢良猶是人舉之如公孫弘者猶強起

之乃就對至如後世賢良乃自求舉耳若果有曰  
我心只望廷對欲直言天下事則亦可尚矣若志  
在富貴則得志便驕縱失志則便放曠與悲愁而

補註公孫弘武帝時舉賢良  
對策事見史記尚上也

○人有習他經既而舍之習戴記問其故曰決科  
之利也某曰汝之是心已不可入於堯舜之道矣  
夫子貢之高識曷嘗規規於貨利哉特於豐約之  
間不能無留情耳且貧富有命彼乃留情於其間  
多見其不信道也故聖人謂之不受命有志於道

三十一  
三十一

者要當去此心而後可語也云明道知扶海縣

將歸應舉伊川曰何不止試於太學顯道對曰蔡人勸習禮記決科之利也先生因云顯道乃止

○人多說某不教人習舉業某何嘗不教人習

舉業也人若不習舉業而望及第却是責天理而

不脩人事但舉業既可以及第即已若更去上面

盡力求必得之道是惑也補此言應舉得之不得皆有命

○或謂科舉事業奪人之功是不然且一月之中

十日為舉業餘日即可為學然人志於此必志

於彼故科舉之事不患妨功惟患奪志

龜山楊氏曰試教授宏辭科乃是以文字自售古人

行已似不如此今之進士使豪傑者出必不肯就

然以謂舍此則仕進無路故為不得已之計或是

為貧或欲緣是少試其才既得官矣又以僥求榮

達此何義哉

朱子曰今來專去理會時文少間身已全做不是這

是一項人又有一項人不理會時文去理會道理

少間所做底事却與所學不相關又有依本分就

所見定是要躬行也不須去講學這箇少間只是

做得會差亦不至大狼狽只是如今這般人已是

太段好了集狼狽王幼學曰頭倒朱措者曰狼狽

覽蓋狼狽是兩物狼前兩足絕短每行

常駕兩狼失狼則不能動矣

○義理人心之所同然人去講求却易為力舉業

乃分外事到是難做可惜舉業壞了多少人○士

人先要分別科舉與讀書兩件孰輕孰重若讀書

上有七分志科舉上有三分猶自可若科舉七分

讀書三分將來必被他勝却况此志全是科舉所

聖人教人只是為已

以到老全使不著蓋不關為已也聖人教人只是

為已○或以不安科舉之業請教曰道二仁與不

仁而已二者不能兩立知其所不安則反其所不

安以就吾安爾聖賢千言萬語只是教人做入而

已前日科舉之習蓋未嘗不談孝弟忠信但用之

非爾若舉而反之於身見於日用則安矣○專做

時文底人他說底都是聖賢說話且如說廉他且

會說得好說義他也會說得好待他身做處只自

不廉只自不義緣他將許多話只是就紙上說廉

是題目上合說廉義是題目上合說義都不關自



家身已些子專○告或人曰看今人心下自成兩  
樣如何却專向功名利祿底心去却全背了這箇  
心不向道理邊來公今赴科舉是幾年公文字想  
不為不精以公之專上理會做時文互若一舉便  
中高科登顯仕都了到今又却不得亦可自見得  
失不可必如此若只管沒溺在裏面都出頭不得  
下梢只管衰塌若將這箇自在一邊須要丟理會  
道理是要緊待去取功名却未必不得○專上做  
舉業工夫不待不得後枉了氣力便使能竭力去

做又得到狀元時亦自輸却這邊工夫了人於此  
事從來只是強勉不能捨命去做正似今人強勉  
來學義理然某平生窮理惟不敢自以為是士人  
亦有略知向者然那下重掉不得如何知此下事  
如今疑神靜慮積日累月如此尚只今日見得一  
件明日見得一件未有廓然貫通處况彼千頭萬  
緒支離其心未嘗一日用其力於此者耶○科舉  
累人不淺人多為此所奪但有父母在仰事俯育  
不得不資於此故不可不勉爾其實甚奪人志○

以科舉為為親而不為為己之學只是無志以舉業為妨實學不知曾妨飲食否只是無志也○或以科舉作館廢學自咎者曰不然只是志不立不曾做工夫爾孔子曰不怨天不尤人自是不當怨尤要你做甚耶伊川曰學者為氣所勝習所奪只可責志正謂此也若志立則無處無工夫而何貧賤患難與夫夷狄之間哉○舉業亦不害為學前輩何嘗不應舉只緣今人把心不定所以有害纔以得失為心理會文字意思都別了○嘗論科舉

云非是科舉累人自是人累科舉若高見遠識之士讀聖賢之書據吾所見而為文以應之得失利害置之度外雖日日應舉亦不累也居今之世使孔子復生也不免應舉然豈能累孔子耶自有天資不累於物不須多用力以治之者某於科舉自小便見得輕初亦非有所見而輕之也正如人天資有不好啖酒者見酒自惡非知酒之為害如何也又有人天資不好色者亦非是有見如何自是他天資上看見那物事無緊要若此者省得工夫

去治此一項今或未能如此須用力勝治方可○  
問許叔重大貪作科舉文字曰既是家貧親老未  
免應舉亦當好與他做舉業舉業做不妨只是先  
以得失橫置胸中却害道○或問科舉之學曰做  
舉業不妨只是把格式隱括自家道理都無那追  
逐時好回避忌諱底意思便好

此溪陳氏曰聖賢學問未嘗有妨於科舉之文理義  
明則文字議論益有精神光采躬行心得者有素  
則形之商訂時事敷陳治體莫非溢中肆外之餘

自有以當人情中物理藹然仁義道德之言一一  
皆可用之實也

方是  
子直舉

潛室陳氏曰應舉求合程度此乃道理當爾乃若不  
合程度而萌僥倖之心不守尺寸而起冒為之念  
此則妄矣應舉何害義理但克去此等妄念方是  
真實舉子

雙峯饒氏曰義理與舉業初無相妨若下月之間上  
半日將經傳討論義理下半日理會舉業亦何不  
可况舉業之文未有不義理中出者若講明得

義理通透則識見高明行文條暢舉業當益精若不  
不通義理則識見凡下議論淺近言語鄙俗文字  
中十病九痛不自知覺何緣做得好舉業雖沒世  
窮年從事於此亦無益也

新刻性理大全第五十五卷終

新刻性理大全第五十六卷

學十四

溫陵 九我 李太史 校正

論詩

問詩可學否程子曰既學時須是用功方合詩人格  
既用功甚妨事古人詩云吟成五箇字用破一生  
心又謂可惜一生心用在五字上此言甚當某素  
不作詩亦非是禁止不作但不欲為此閑言語○

邵堯夫詩云梧桐月向懷中照楊柳風來面上吹

真風流人豪也○石曼卿詩云樂意相閑禽對語

真風流人豪

生香不斷樹交花此語形容得浩然之氣

覽集 石曼卿按

采鑑石延年字曼卿宋城人少以氣自豪遺落世事自顧不合時乃隱於酒真宗時為太子中允嘗進備邊策不報已而西方用兵帝思其言欲召用之而延年死矣其為詩文尚致建稱其意氣

**龜山楊氏曰**作詩不知風雅之意不可以作詩詩尚

諷諫唯言之者無罪聞之者足以戒乃為有補若諫而涉於毀謗聞者怒之何補之有觀蘇東坡詩只是訛誚朝廷殊無溫柔敦厚之氣以此人故得而罪之若是伯淳詩則聞者自然感動矣因舉伯淳和溫公諸人襍飲詩云未須愁日暮天際是輕

陰又泛舟詩云只恐風花一片飛何其溫柔敦厚也○君子之所養要令暴慢邪僻之氣不設於身體陶淵明詩所不可及者冲澹深粹出於自然若曾用力學詩然後知淵明詩非著力之所能成私意去盡然後可以應世

**朱子曰**詩者志之所之在心為志發言為詩然則詩

者豈復有工拙哉亦視其志之所向者高下如何耳是以古之君子德足以求其志心出於高明純一之地其於詩固不學而能之至於格律之精粗

君子德足以求志

用韻屬對比事遺辭之善否今以魏晉以前諸賢  
之作考之蓋未有用意於其間者而況於古詩之  
流乎近世作者乃始留情於此故詩有士拙之論  
而葩藻之詞勝言志之功隱矣○或言今人作詩  
多要有出處曰閑閑睢鳩出在何處○古樂府只  
是詩中間却添許多泛聲後來人怕失了那泛聲  
逐一聲添箇實字遂成長短句今曲子便是○作  
詩間以數句適懷亦不妨但不用多作蓋便是陷  
溺爾當其不應事時平淡自攝豈不勝如思量詩

句至其真味發溢又却與尋常好吟者不同○古  
詩須看西晉以前如樂府諸作皆佳杜陵夔州以  
前詩佳夔州以後自出規模不可學蘇黃只是今  
人詩蘇才豪然一衣說盡無餘意黃費安排集南  
夔州以前詩佳按唐鑑杜用襄陽人初入蜀居  
成都嚴武鎮蜀辟為參謀大曆初武卒蜀亂甫乃  
泛江游嘉戎次雲安移居夔州之東也所作有秋興等詩○選中劉琨詩高東  
晉詩已不逮前人齊梁益浮薄鮑明遠才健其詩  
乃選之變體李太白專學之如腰鎌刈葵藿倚杖  
牧雞豚分明說出箇倔強不肯甘心之意如疾風

衝塞起砂礫自飄揚馬毛縮如蠟角弓不可張分

明說出邊塞之狀語又俊健集劉越按晉書琨字

元帝時為侍中太尉少與祖逖為友每枕戈待旦

志欲討逆常曰吾恐祖生先我著鞭琨少工詩善

吟詠為時所推重集鮑明遠按南史鮑昭字明遠

少工詩為世所尚仕宋為臨海王參軍詩評云為

詩欲詞格清美當看鮑昭謝靈運詩人中稱為鮑

謝杜詩云俊逸鮑參軍集李太白按唐書太白蜀

郡彰明人母娠時夢長庚星因名之性倜儻善詩

賦尤工古歌才志逸邁天寶初召見金銮殿論當

時事詔供奉翰林後帝坐沉香亭召白為樂章乃

援筆成清平調帝愛其才欲官之為高力士貴妃

援而沮之遂浮游集陶淵明詩平淡出於自然後

四方卒於采石集陶淵明詩平淡出於自然後

人學他平淡便相去遠矣某後生見人做得詩好

銳意要學遂將淵明詩平側用字一一依他做到

一月後便解自做不要他本子方得作詩之法

蘇子由愛選詩亭阜木葉下隴首秋雲飛此正是

子由慢底句法某却愛寒城一以眺平楚正蒼然

十字却有力集齊梁間人詩讀之使人四肢皆懶

慢不收拾集晉人詩惟謝靈運用古韻如祐字協

燭字之類唐人惟韓退之柳子厚白居易用古韻

集謝靈

集謝靈

集謝靈

集謝靈

生理大全卷五十六

性理大全卷五十六

世稱謝康樂○白居易按唐書居易字樂天

下杜人元和調監屋尉後為左拾遺尋出為江州司馬父之權主客郎中知制誥與元稹多酬誄時稱元白會昌初為刑部尚書○毛穎傳舊唐書云帶愈作毛穎傳不道人情此文章之甚謬者○唐明皇資稟英邁只看

他做詩出來是什麼氣魄今唐白家詩首載明皇一篇早渡蒲津關多少飄逸氣槩便有帝王底氣燄

越州有石刻唐朝臣送賀知章詩亦只有明皇一首好有曰豈不惜賢達其如高尚何覽集賀知章按

四明人性夷曠善談說證聖初擢進士累官禮部侍郎兼集賢學士晚節尤誕放傲遊里巷侍曉四明在客及秘書外監天寶初請為道士還鄉里詔賜鏡湖剡舟一曲卒年八十六○李太

白詩不專是豪放亦有雍容和緩底如首篇大雅

久不作多少和緩陶淵明詩人皆說是平淡據某

看他自豪放但豪放得來不覺耳其露出本相者

是詠荆軻一篇平淡底人如何說得這樣言語出

來覽集荆軻按通鑑軻衛人燕太子聞其賢乃客之極其禮貌稱為荆卿下劫秦王政反諸侯侵

地方入秦賓客送至易水使高漸離擊筑軻和而歌曰風蕭蕭兮易水寒壯士一去不復反復為羽聲聲皆瞋目髮盡指冠入秦事敗死之○杜詩初年甚精細晚年橫

逆不可當只意到處便押一箇韻如自秦州入蜀

諸詩分明如畫乃其少作也李太白詩非無法度

世稱謝康樂○白居易按唐書居易字樂天



乃從容於法度之中蓋聖於詩者也古風兩卷多  
 效陳子昂亦有全用其句處太白去子昂不遠其  
 尊慕之如此然多為人所亂有一篇分為三篇者  
 有二篇合為一篇者集陳子昂按唐書子昂梓州  
射洪人元敬子文明初舉進士上書言事武后奇其才擢麟臺正字累遷右  
 衛胄曹參軍唐之文章至子昂始變雅正王適稱  
 為海內儒宗所論著世以為法○李太白終始學選詩所以好杜  
 子美詩好者亦多是倣選詩漸放手夔州諸詩則  
 不然也○問李太白清水出芙蓉天然去雕飾前  
 輩多稱此語如何曰自然之好又不如芙蓉露下

落楊柳月中疎則尤佳○人多說杜子美夔州詩  
 好此不可曉魯直一時固自有所見今人只見魯  
 直說好便却說好如矮人看場耳問韓退之潮州  
 詩東坡海外詩如何曰却好東坡晚年詩固好只  
 文字也多是信筆胡說全不看道理○文字好用  
 經語亦一病老杜詩致遠思恐泥東坡寫此詩到  
 此句云此詩不足為法○杜子美暗飛螢自照語  
 只是巧韋蘇州云寒雨暗深更流螢度高閣此景  
 色可想但則是自在說了因言國史補稱韋為入

高潔鮮食寡欲所至之地掃地焚香閉閣而坐其  
 詩無一字做作直是自在其氣象近道意常愛之  
 問比陶如何曰陶却是有力但語健而意閑隱者  
 多是帶性負氣之人為之陶欲有為而不能者也  
 又好名輩則自在其詩則有做不着處便倒塌了  
 底晉宋間詩多閑淡杜工部等詩常忙了陶云身  
 有餘勞心有常閑乃禮記身勞而心閑則為之也

集 常蘇州按唐鑑常應物河南人性高潔工詩永  
覽 泰中歷除江二州刺史召為左司郎中貞元中  
 又歷蘇州刺史世號常蘇州有集十卷○杜工部  
 按唐鑑肅宗時杜甫以嚴武薦為檢校工部員外

即故後人稱  
 為杜工部  
 韋蘇州詩高於王維孟浩然諸人

以其無聲色臭味也  
集 孟浩然按唐鑑浩然襄陽  
 人好節義隱鹿門山年四

十遊京師王維私邀入內署俄玄宗至維以實對  
 帝曰朕聞其人而未見也召問其詩浩然再拜自  
 誦所為詩至不才明主棄之句帝曰朕未嘗棄  
 卿奈何誣我因放還張九齡辟為蘇州從事

韓詩平易孟郊喫了飽飯思量到人不到處聯

句中被他牽得亦著如此做去  
集 孟郊按唐書郊  
 武康人少隱嵩

此性介少合為詩有理致最為韓愈所稱登  
 進士調渠陽尉後為參謀卒謚曰貞曜先生○人

不可無戒謹恐懼底心莊子說庖丁解牛神妙然  
 纔到那處必心休然為之一動然後解去心動便

是懼處韓文鬪雞聯句云一噴一醒然再接再礪

乃謂雖困了一以水噴之便醒一噴一醒即所謂

懼也此是孟郊語也說得好又曰爭觀雲填道助

叫波翻海此乃退之之豪一噴一醒然再接再礪

乃此是東野之工○李賀較怪得些子不如太白

自在又曰賀詩巧集李賀按氏族賀字長吉七歲

小愛放背古錦囊隨後有得即投之暮歸母探囊

見所書多即怒曰是兒嘔出心肝乃已憲宗朝為

協律郎一日夢見緋衣人駕赤虬持一板書云

上帝成白王樓召君作記遂卒時年二十七歲

○詩須是平易不費力句法混成如唐人玉川子

輩句語雖險怪意思亦自有混成氣象因舉陸務

觀詩春寒催喚客嘗酒夜靜臥聽兒讀書不費力

好集玉川子按唐書盧仝濟源人寓居河南號玉

川子好學博覽工詩嘗為月蝕詩譏元和逆

黨又為茶歌句多可警韓愈為河南令○白樂

其詩厚禮之由是名播海宇士大夫敬焉

天琵琶行云嘈嘈切切錯雜彈大珠小珠落玉盤

這是和而淫至淒淒不似向前聲滿座重聞皆掩

淚這是淡而傷○行年三十九歲暮日斜時孟子

心不動吾今其庶幾此樂天以文滑稽也然猶雅

馴非若今之作者性稟雜劇也○唐文人皆不可

子美  
救房  
正  
亦

性理大全卷五十六 命文苑

曉如劉禹錫作詩說張曲江無後及武元衡被刺  
亦作詩快之白樂天亦有一詩暢快李德裕樂天  
人多說其清高其實愛官職詩中凡及富貴處皆  
說得口津津底涎出杜子美以稷契自許未知做  
得與否然子美却高其救房瑄亦正  
集覽 張曲江按  
唐書張九  
齡字子壽紹興人七歲能屬文擢進士第為唐賢  
相嘗抑李林甫請誅安祿山以始興舊為曲江縣  
地故天下皆以曲江公稱之也。武元衡被刺按  
唐鑑元衡太原人平一之孫在德宗為御史中丞  
常對延英帝日送之曰真宰相器元和拜相時  
淮蔡用兵悉以機政委之未幾藩鎮王承宗遣盜  
刺殺之。李德裕按唐鑑德裕贊皇人吉甫子穆  
宗初擢翰林學士凡號令大典冊皆更其手敬宗

文公  
非  
如  
大

朝獻册表六箴拜西川節度使建籌邊接累官門  
下侍郎拜太尉封衛國公自元和後用兵宰相或  
不休沐或繼少乃罷德裕從容裁決沛然若無事  
時。秀瑄授唐鑑瑄河南縣人少好學風度沉整  
隱陸渾山開元中以薦為校書郎授盧氏令玄宗  
幸蜀瑄馳拜吏部尚書同平章事與常見素奉冊  
靈武見肅宗及還。○偶誦寒山數詩其一云城中  
蛾眉女珠佩何珊珊鸚鵡花間弄琵琶月下彈長  
歌三日響短舞萬人看未必長如此芙蓉不耐寒  
云如此類然有好處詩人未易到此。○石曼卿詩  
極有好處如仁者雖無敵王師固有征無私乃時  
雨不殺是。○曼卿詩極雄豪而縝密方嚴極

性理大全卷五十六 命文苑

曼卿 胃次 非諸 及公所

好如等筆駢詩意中流水遠愁外舊山青之句極  
 佳可惜不見其全集多於小說詩話中略見一二  
 爾曼卿胃次極高非諸公所及其為人豪放而詩  
 詞乃方嚴縝密此便是他好處可惜不會得用○  
 山谷詩精絕知他是用多少工夫今人卒乍如何  
 及得可謂巧好無餘自成一家矣但只是古詩較  
 自在山谷則刻意為之又曰山谷詩忒巧了○陳  
 後山初見東坡時詩不甚好到得為正字時筆力  
 高妙如題趙大年所畫高軒過圖云晚知書畫真

有益却悔歲月來無多極有筆力

覽集 陳后山安宋 鑑陳師道字

無已徐州彭城人高介有節安貧樂道諸經皆有訓傳於詩禮尤邃其為文師曾輩為詩師黃庭堅平淡雅與自成一家元祐中蘇軾輩薦其文一行除本州教授累遷秘書正字號后山居士

○張文潛詩有好底多但頗率爾多重用字如梁甫吟一篇筆力極健如云永安受命堪垂涕手

庸兒具天意等處說得好但結末差弱耳又曰張

文潛大詩好崔德符小詩好

覽集 梁甫吟三齊畧記 諸葛亮耕隴畝

甫吟曰步出齊城門遥望蕩陰里中有三墳 纍正相似問是誰家墳田疆古冶氏力能耕南山 文能絕地紀一朝謾謔言二桃殺三士誰能為此謀相國齊晏子

○古人詩中有

句今人詩更無句只是直說將去這般詩一日  
 作百首也得如陳簡齋詩亂雲交翠壁細雨濕青  
 林暖由薰楊柳濃陰醉海棠他是甚麼句法○今  
 時婦人能文只有李易安與魏夫人李有詩大略  
 云兩漢本繼紹新室如贅疣所以嵇中散至死薄  
 殷周中散非湯武得國引之以比王莽如此等語  
 豈女子所能覽集嵇中散按晉書嵇康其先本上虞  
 括靜寡欲與阮籍等為竹林之游世號竹林七賢仕至中散大夫○近世諸公作  
 詩費工夫要何用元祐時有無限事合理會諸公

却盡日唱和而已今言詩不必作且道恐分了為  
 學工夫然到極處當自知作詩果無益○今人所  
 以事事做得不好者緣不識之故只如箇詩舉世  
 之人盡命去奔去聲做只是無箇人做得成詩他  
 是不識好底將做不好底不好底將做好底這箇  
 只是心裏鬧不虛靜之故不虛不靜故不明不明  
 故不識若虛靜而明便識好物事雖百工技藝做  
 得精者也是他心虛理明所以做得來精心裏鬧  
 如何見得詩社中人言詩皆原於賡歌今觀其

詩如何有此意。係詩先用看李杜如士人治本  
經本既立次第方可看蘇黃以次諸家詩。今人  
不去講義理只去學詩文已落第二義況又不去  
學好底却只學去做那不好底作詩不學六朝晉宋齊  
梁陳也又不學李杜只學那曉崎底今便學得十  
分好後把作甚麼用莫道更不好如近時人學山  
谷詩然又不學山谷好底只學得那山谷不好處  
林擇之云後山詩恁底深他資實儘高不知如何  
肯去學山谷曰後山雅健強似山谷然氣力不似

山谷較大但却無山谷許多輕浮底意思然若論  
序事又却不及山谷山谷善序事情敘得盡後山  
敘得較有疎處若散文則山谷大不及後山。或  
謂梅聖俞長於詩曰詩亦不得謂之好或曰其詩  
亦平淡曰他不是平淡乃是枯槁集覽梅堯臣字  
聖俞宣城人詢從子工為詩歐陽脩與為詩友初  
以蔭為河南主簿歷鎮安判官仁宗召試賜進士  
出身為國子監直講遷都官員外郎卒堯臣  
家貧好飲酒與物無忤賢士大夫多從之游  
○江西之詩自山谷一變至楊庭秀又再變楊大  
年雖巧然之中猶有混成底意思便巧得來不

覺及至歐公早漸漸要說出來然歐公詩自好所以他喜梅聖俞詩蓋枯淡中有意思歐公最喜一人送別詩兩句云曉日都門道微涼草樹秋又喜王建詩曲徑通幽處禪房花木深歐公自言平生要道此語不得今人都不識這意思只要軟事使難字便云好集覽揚廷秀按宋鑑楊萬里字庭秀吉君寓焉勉以正心誠意之學萬里遂以成各齊政知秦新孝宗召為國子監博士後以賢文閣待制致仕進賢謀閣學士萬里際遇三朝始終一節杜門著書絕意榮臣開信中見遠舉驟開謂必悞國憂憤激烈不食而死蓋曰文節祠于學宮○全健按氏族健唐元和間詩人以宮詞各家比下百有

四篇逸一○又曰明道先生有詩云時人不識予

心樂將謂偷閑學少年此是後生時氣象眩露無含蓄

南軒張氏曰作詩不可直說破須如詩人婉而成章

楚詞最得詩人之意如言沅有芷兮澧有蘭思公子兮未敢言思是人也而不言則思之之意深而不可言言語形容也若說破如何思如何思則意味淺矣

蒙山陸氏曰詩之學尚矣原於賡歌委於風雅風雅



之變雍而溢焉者也。湘纍之騷，又其流也。子虛長楊之賦，作而騷幾亡矣。黃初而降日，以漸薄。惟彭澤之源，來自天稷，與眾殊趣，而淡薄平夷，玩嗜者少。隋唐之間，否亦極矣。杜陵之出，愛君悼時，追躡騷雅，而才力宏厚，偉然足以鎮浮靡。詩家為之中興。

**西山真氏曰**：古者雅頌陳於閭，燕二南用之房中，所以閑邪僻而養中正也。衛武公作抑戒，以自警。卒為時賢相，以楚靈王之無道，一聞祁招惜惜之語，凜焉為之弗寧。詩之感人也如此。于後斯義浸亡。

凡日接其君之耳者，樂府之新聲梨園之法曲而已。其不蕩心而溺志者幾希。

**集覽**：衛武公作抑戒，以自警。按左傳，武公

康叔十世孫也。武公脩康叔之政，百姓和集。四十七年，大戎殺幽王。武公將兵佐周平戎，有功。平王命武公為公。及武公年老，作抑戒自警。其辭見詩小雅抑篇。楚靈王之無道，國語注楚靈王無道。築章華之臺，與伍舉登焉。曰：臺美矣，夫對曰：先君莊王為菴君之臺，高不過望國氣，小不過容燕。直人不發時務，官不易朝。常今君為此臺，人厭財盡。數年而成，諸侯莫不至。若君謂此笑楚其始矣。未幾吳兵來伐，出走，餓死。祁招惜惜之語，左傳周穆王欲肆其志，周行天下，將必有車轍馬跡焉。祭公謀父作祁招之詩，以止王心。曰：祁招之惜惜，式昭德音，思我王度，式如玉，如金。樂府之新聲，韻會云：漢孝惠六年，使樂府令備蕭管，故後世有樂府之名。梨園之法曲，唐禮樂志初，隋有法曲，其聲

性理大全卷五十五

杜王足以訂古非

清新而近雅玄宗酷愛法曲選坐部伎子弟三千人教於梨園謂之法曲子弟○古今詩

人吟諷用古多矣斷煙平蕪淒風淡月荒寒蕭瑟之狀讀者往往慨然以悲工則工矣而於世道未

有云補也惟杜牧之王介甫高才遠韻超邁絕出其賦息媯留侯等作足以訂千古是非覽集杜牧之撰宋鑑

牧之萬年人佐孫善屬文能詩有奇節策進士仕累官史館脩撰終中書舍人

**臨川吳氏曰**詩之變不止也虞廷之歌謠矣弗論余觀三百五篇南自南雅自雅頌自頌變風自變風以至於變雅亦然各不同也詩亡而楚騷作騷亡

而漢五言作訖于魏晉顏謝以下雖曰五言而魏晉之體已變變而極于陳隋漢五言至是幾亡唐陳子昂變顏謝以下上復晉魏漢而沈宋之體別出李杜繼之因子昂而變柳韓因李杜又變變之中有古體有近體體之中有五言有七言有雜言詩之體不一人之才亦不一各以其體各以其才各成一家言如造化生物洪纖曲直青黃赤白均為大巧之一巧自三百五篇已不可一槩齊而況後之作者乎宋氏王蘇黃三家各得杜之一體涪

性理大全卷五十五

十五

浩翁  
眼高一世

翁於蘇迴不相同蘇門諸人其初略不之許坡翁  
獨深器重以為絕倫眼高一世而不必人之同乎  
已者如此近年乃或清圓個儻之為尚而極詆浩  
翁噫羣兒之愚爾不會詩之全而該夫不一之變  
偏守一是一而悉非其餘不合不公何以異漢世專

門之經師也哉

**集覽**

顏謝以下按南史顏延之字延

官至太常延年與謝靈運齊名時稱為顏謝沈宋  
之辨宋之問傳魏建安後江左詩律至沈約宋之  
問又加靡麗號沈宋辨按南史沈約武康人博  
通群籍善屬文仕梁累官至中書將軍丹陽尹尚  
書僕射著晉齊梁書及文集數百卷宋之問西  
河人偉儀觀善詞章武后時累官尚方監丞嘗與

張說等撰三教朱英與常維稱一臺一妙中宗朝  
為脩文館學士弟之倫以驕勇聞之懸精草隸世  
號三絕○浩翁按宋鑑黃庭堅洪州人以脩實錄  
謫涪州別駕黔州安置自號涪翁與秦大虛書曰  
某再棄不毛之鄉以禦魍魎耳自○詩雅頌風騷  
昏塞舊章廢忘是黔中一老農耳

尚矣漢魏晉五言訖于陶其適也顏謝而下弗論  
浸後浸滅至唐陳子昂而中興李韋柳因而因杜  
韓因而革律雖始於唐然深遠蕭散不離於古為  
得非但句工語工字工而可○詩以道性情之真  
十五國風有田夫閨婦之辭而後世文士不能及  
者何也發乎自然而非造作也漢魏迄今詩凡幾

性理大全卷五十一

十六

變其間宏才實學之士縱橫放肆千彙萬狀字以  
鍊而精向以琢而巧用事取其切模擬取其似功  
力極矣而識者乃或舍旃而尚陶韋則亦以其不  
鍊字不琢句不用事而情性之真近乎古也今之  
詩人隨其能而有所尚各是其是孰有能知真是  
之歸者哉

論文

程子曰聖賢之言不得已也蓋有是言則是理明無  
是信則天下之理有闕焉如彼耒耜陶冶之器一

不制則生入之道有不足矣聖賢之言雖欲已得  
乎然其包涵盡天下之理亦甚約也後之人始執  
卷則以文章爲先平生所爲動多於聖人然有之  
無所補無之靡所闕乃無用之贅言也不止贅而  
已既不得其要則離真失正反害於道必矣○問  
作文害道否曰害也凡爲文不專意則不工若專  
意則志局於此又安能與天地同其大也書曰玩  
物喪志爲文亦玩物也呂與叔有詩云學如元凱  
方成癖文似相如殆類俳獨立孔門無一事只輸

一作顏氏得心齋此詩甚好古之學者惟務養情性其他則不學今為文者專務章句悅人耳目既務悅人非俳優而何曰古者學為文否曰人見六經便以為聖人亦作文不知聖人亦只據發曾中所蘊自成文耳章一作所謂有德者必有言也曰游夏稱文學何也曰游夏亦何嘗秉筆學為詞章也且如觀乎天文以察時變觀乎人文以化成天下此豈詞章之文也○聖人文章自然與學為文者不同如繫辭之文後人決學不得譬之化工生

人文化成天下

物且如生出一枝花或有剪裁為之者或有繪畫為之者看時雖似相類然終不若化工所生自有一般生意○孟子論王道便實徒善不足為政徒法不能自行便先從養生上說將去既庶既富然後以飽食暖衣而不教為不可故教之也孟子而後却只有原道一篇其間語固多病然要之大意儘近理若西銘則是原道之宗祖也原道却只說到道元未到得西銘意思據子厚之文醇然無出此文也自孟子後蓋未見此書○韓退之文不可

文王

性理大全卷五十六

退之善道文王意

漫觀晚年所見尤高○退之晚年為文所得處甚多學本是脩德有德然後有言退之却倒學了因學入日求所未至遂有所得如曰軻之死不得其傳似此言語非是蹈襲前人又非鑿空撰得出必有所見若無所見不知言所傳者何事原性等文皆少時作  
○韓退之作琴操有曰臣罪當誅兮天主聖明此善道文王意中事者前後文人道不到也

龜山楊氏曰作文字要只說目前話令自然分明不驚怕人不能得然後知孟子所謂言近非聖賢不

能也○為文要有溫柔敦厚之氣對入主語言及章疏文字溫柔敦厚尤不可無如于瞻詩多所譏玩殊無惻怛愛君之意荆公在朝論事多不循理惟是爭氣而已何以事君○六經先聖所以明天道正人倫致治之成法也其文自堯舜歷夏商周之季興衰治亂成敗之跡揅敝通變因時損益之理皆燦然可考網羅天地之大文理象器幽明之故死生終始之變莫不詳論曲譬較然如數一二九宜乎後世高明超卓之士一撫卷而盡得之也示

性理大全卷五十六

世理方錄卷五揚六  
命文命

傷雄  
庶幾  
於道

竊怪唐虞之世六籍未具士於斯時非有誦記操  
筆綴文然後為學也而其蘊道懷德優入聖賢之  
域者何多耶其達而位乎上則昌言嘉謨足以亮  
天工而成大業雖困窮在下而潛德隱行猶足以  
經世勵俗其芳猷美績又何其章章也自秦焚詩  
書坑術士六藝殘闕漢儒收拾補綴至建元元狩  
之間文辭粲如也若賈誼董仲舒司馬遷相如揚  
雄之徒繼武而出雄文大筆馳騁古今沛然如決  
江漢浩無津涯後雖有作者未有能涉其波流也

韓柳  
古文  
名天  
下

然賈誼明申韓仲舒陳災異馬遷之多愛相如之  
浮侈皆未足與議惟揚雄為庶幾於道然尚恨其  
有未盡者積至於唐文籍之備蓋十百前古元和  
之間韓柳輩出咸以古文名天下然其論著不詭  
於聖人蓋寡矣自漢訖唐千餘歲而士之名能文  
者無過是數人及考其所至卒未有能倡明道學  
窺聖人闡奧如古人者然則古之時六籍未具不  
害其善學後世文籍雖多亡益於得也

集覽

申韓按  
通鑑申

不害、鄭之賤臣學黃老刑名以干韓昭侯用  
以為相內脩政教外應諸侯十五年終申子之身

世理方錄卷五揚六

命文命

申韓按  
通鑑申

國治兵強。韓非、韓國公子與李斯俱學於荀卿。善刑名法律之學。作說難孤憤五蠹說林五十六年。秦始皇時為韓使。秦因上書。始皇嘉納。未幾。斯族而譴之。詔下吏。斯遺藥。使自殺。

人有語及為文者和靖尹氏曰嘗聞程先生云聖人

文章載於六經自左丘明作傳文章始壞文勝質

也集覽左丘明按氏族云左丘明因春秋作傳杜預云仲尼為素王丘明為素臣宋元豐中詔從

祠夫子廟庭追封瑕丘伯

六經之文

宋子曰有治世之文有衰世之文有亂世之文六經

治世之文也如國語委靡繁雜真衰世之文耳是

時語言議論如此宜乎周之不能振起也至於亂

世之文則戰國是也歟者英偉氣非衰世國語之

文之比也楚漢間文字真是奇偉豈易及也○楚

詞不甚怨君今被諸家解得都成怨君不成模樣

九歌是托神以為君言人間隔不可企及如已不

得親近於君之意以此觀之他便不是怨君至山

鬼篇不可以君為山鬼又倒說山鬼欲親人而不

可得之意今以解文字不看大意只逐句解意却

不貫○問離騷卜居篇內字曰字義從來曉不得

但以意看可見如突梯滑稽只是軟熟迎逢隨入



倒隨人起底意思如這般文字更無些小窳礙想  
只是信口恁地說皆自成文林文軒嘗云班固揚  
雄以下皆是做文字已前如司馬遷司馬相如等  
只是恁地說出今看來是如此古人有取於登高  
能賦這也須是敏須是會說得通暢如古者或以  
言揚說得也是一件事後世只就紙上做如就紙  
上做則班揚便不如已前文字當時如蘇秦張儀  
都是會說史記所載想皆是當時說出又云漢末  
以後只做屬對文字直至後來只管弱如蘇頌著

力要變變不得直至韓文公出來盡掃去了方做  
成古文然亦止做得未屬對命偶以前體格然當  
時亦無人信他故其文亦變不盡纔有一二大儒  
畧相効以下並只依舊到得陸宣公奏議只是雙  
關做去及如子厚亦自有雙關之文向來道是他  
初年文字後將年譜看乃是晚年文字蓋是他効  
世間模樣做則劇耳文氣衰弱直至五代竟無能  
變到尹師魯歐公幾人出來一向變了其間亦有  
欲變而不能者然大槩都要變所以做古文自是

古文四六自是四六却不交雜

**覽集**

林艾軒按氏族林謙之宋隆興

中下策歸專心聖賢時獲之學晚登仕版在詞林多論駁不得其言而歸號艾軒先生○蘇頌按唐鑑頌武功人威玄孫父環累官同中書門下三品封許國公頌幼敏悟一覽千言累官修文館學士與父環同在禁中時人榮之開元中筆相○楚夢沈存中以此為祝語

如今釋子念娑婆訶三合聲而巫人之禱亦有此

聲此却說得好蓋今人只求之於雅而不求之於

俗故下一半都曉不得

離騷叶韻到篇終前面只發兩例後人不曉却謂只

此兩韻○古人文章大率只是平說而意自長後

人文章務意多而酸澁如離騷初無奇字只恁說

將去自是好後來如魯直恁地着力做却自是不

好○古賦須熟看屈宋韓柳所作乃有進步處○

楚詞平易後人學做者反艱深了都不可曉○漢

初賈誼之文質實晁錯說利害處好答制策便亂

道董仲舒之文緩弱其答賢良策不答所問切處

至無緊要處又累數百言東漢文章尤更不如漸

漸趨於對偶如揚震輩皆尚識緯張平子非之然

平子之意又却理會風角鳥占何愈於識緯陵夷

至於三國兩晉則文氣日卑矣古人作文作詩多

是摸倣前人而作之蓋學之既久自然純熟如相

如封禪書摸倣極多柳子厚見其如此却作貞符

以反之然其文體亦不免乎蹈襲也

**覽集**

識縮徐廣曰九識縮

皆言將來之驗也識鐵也言其義鐵微也縮有七  
縮易緯詩緯書緯禮緯樂緯孝經緯春秋緯蓋漢  
末夏賀良之徒為之以為有經必有緯也後漢張  
衡以為識書出於哀平之世虛為之徒要世取資  
者所為耳○張平子按漢書張衡字平子南陽西  
岳人善屬文通五經作二京賦精思十年乃成衡  
善機巧尤精天文曆算為太史令作渾天儀復造  
候風地動儀人服其妙近侍中宦官諛之作思文  
賦以寄情出為河間相嚴整法度上下肅然徵拜  
尚書○風角鳥占漢書順帝時河內人張成善風  
角之占注顏師古曰角隅也謂四方四隅之風以  
占吉凶也索隱曰世傳陰陽局鴉經謂東方朔所

著大畧先敘其聲第一聲即是甲聲以十于數之

辨其急緩以定吉凶即所謂鳥占者也○相如封

禪書史記漢武帝時司馬相如既病免居茂陵上

曰相如病甚可往悉取其書使者往而相如死卓

文君曰長卿未死時著一書曰有使者○司馬遷文

者求書以此奏之乃遺札之封禪也

雄健意思不帖帖有戰國文氣象賈誼文亦然老

蘇文亦雄健似此皆有不帖帖意仲舒文實劉向

文又較實亦好無些虛氣象比之仲舒仲舒較滋

潤發揮大抵武帝以前文雄健武帝以後便實到  
杜欽谷末書又大弱無歸宿了匡衡書多有好處  
漢明經中皆不似此

**覽集**

杜欽按漢書欽南陽杜衍  
人延年子少好經書目備

育而知名於時率真言歷陳災異拜議郎徵詣大  
 將軍王鳳幕府多所匡益○谷永按漢書求長安  
 人傳通經書元帝時為太常丞教上  
 疏言得失累遷光祿大夫終大司農○司馬遷史  
 記用字也有下得不是處賈誼亦然如治安策說  
 教太子處云太子少長知妃色則入于學這下面  
 承接便用解說此義忽然掉了却說上學去云學  
 者所學之官也又說帝入東學上親而貴仁一段  
 了却方說上太子事云及太子既冠成人免於保  
 傅之嚴都不成文義更無段落他只是乘才快胡  
 亂寫去這般文字也不可學董仲舒文字却平正

只是又困善仲舒匡衡劉向諸人文字皆善弱無  
 氣談司馬遷賈生文字雄豪可愛只是逞快下字  
 時有不穩處段落不分明匡衡文字却細密他看  
 得經書極子細能向裏做工夫只是做人不好無  
 氣節仲舒讀書不知衡子細疎畧甚多然其人純  
 正開闊衡不及也荀子云誦數以貫之思索以通  
 之誦數即今人讀書記遍數也古人讀書亦如此  
 只是荀卿做得那文字不帖律處也多○仲舒文  
 大槩好然也無精彩○孔氏書序不類漢文似李

世說新語卷五十六  
 三十四

陵答蘇武書問董仲舒三策文氣亦弱與鼂賈諸  
人文章殊不同何也曰仲舒為人寬緩其文亦如  
其人大抵漢自武帝後文字要入細皆與漢初不

同覽集季陵按漢書陵隴西成紀人廣之孫善騎射  
愛人下士武帝以為有廣之風拜騎都尉使

將荆楚勇士以備胡天漢中匈奴入寇詔李廣利  
等將兵擊之陵請自當一隊願以步兵五千遠涉  
單于之庭上世之及與匈奴戰兵少矢盡降虜單  
于妻陵以女拜右校王用事及武帝聞之詔族其

家覽集○林文軒云司馬相如賦之聖者揚子雲班孟

堅只填得他腔子子一作腔如何得似他自在流出

左太冲張平子竭盡氣力又更不及覽集左太冲按  
晉書左思

字太冲臨淄人口訥而詞藻壯麗造齊都賦一十年  
乃成後欲賦三都構思十年門庭藩溷皆著筆札  
遇得下句即便踈之自以所見不博求為秘書郎  
及賦成皇甫謐為序張華見之而嘆曰班張之流  
也時競傳寫洛陽為之紙貴○問呂舍人言古文衰自谷永曰

何止谷永鄒陽獄中書已自皆作對子了又問司

馬相如賦似作之甚易曰然又問高適焚舟決勝

賦甚淺陋曰文選齊梁間江總之徒賦皆不好了

覽集鄒陽獄中書按漢書陽齊人景帝時仕吳以文

辨著名吳王陰有邪謀陽上書諫不納去而之  
梁從孝王游被譖下吏後獄中上書有日月一  
珠夜光之壁以墮投人莫不接劍而相盼者無因  
而至前也嶧木根抵輪困雜奇而為萬乘所器者  
以左右為之先容也書上陽立出之卒為上客

適焚舟次勝賦按唐鑑適字達夫滄州人玄宗時  
舉有道科官至諫議大夫負氣敢言權近側目出  
為蜀彭刺史卒適尚節義以功名自許政寬簡所  
在人便之年五十始為詩即工每篇已好事者  
輒傳布江總之徒按南史江總考城人紆之子篤  
學能文陳後主時為戶部尚書日與文士孔範等  
侍宴賦詩有玉樹后庭花之曲為長夜之飲  
謂之狎客漢明二年隋兵滅陳總亦被殺○問

西漢文章與韓退之諸公文章如何曰而今難說  
便說某人優某人劣亦未必信得及須是自看得  
這一人文字某處好某處有病識得破了却看那  
一人文字便見優劣如何若看這一人文字未破  
如何定得優劣便說與公優劣公亦如何便見其

優劣處但子細自看自識得破而今人所以識古  
人文字不破只是不曾子細看又兼是先將自家  
意思橫在胸次所以見從那偏處去說出來也都  
是橫說又曰人做文章若是子細看得一般文字  
熟少間做出文字意思語脉自是相似讀韓文熟  
便做出韓文底文字讀得蘇文熟便做出蘇文底  
文字若不曾子細看少間却不得用大率古人文  
章皆是行正路後來杜撰底皆是行狹隘邪路去  
了而今只是依正底路脉做將去少間文章自會

高人又云蘇子由有言段論人做文章自有合用  
底字只是下不著又如鄭齊叔云做文字自有穩  
底字只是人思量不著橫渠云發明道理惟命字  
難要之做文字下字實是難不知聖人說出來底  
也只是這幾字如何鋪排得恁地安穩或日子瞻  
云都來這  
幾字只要  
會安排然而人之文章也只是三十歲以前氣  
格都定但有精與未精耳然而掉了底便荒疎只  
管用功底又較精向見韓無咎說他晚年做底文  
字與他二十歲以前做底文字不甚相遠此是自

驗得如此人到五十歲不是理會文章時節前面  
事多日子少了若後生時每日便偷一兩時閑做  
這般工夫若晚年如何有工夫及此或曰人之晚  
年知識却會長進曰也是後生時都定便長進也  
不會多然而能用心於學問底便會長進若不學  
問只縱其客氣底亦如何會長進日見昏了有人  
後生氣盛時說盡萬千道理晚年只恁地闌散底  
或引程先生曰人不學便老而衰曰只道一句說  
盡了又云某人晚年日夜去讀書某人戲之曰吾

丈老年讀書也須還讀得入不知得入如何得出  
謂其不能發揮出來為做文章之用也其說雖麤  
似有理又云人晚年做文章如秃筆寫字全無鋒  
銳可觀又云某四十以前尚要學入做文章後來  
亦不暇及此矣然而後來做底文字便只是二十  
左右歲做底文字又曰劉季章近有書云他近來  
看文字覺得心平正其答他令更掉子道箇虛心  
看文字蓋他向來便是硬自執他說而今又是將  
這一說來單正是未理會得大率江西人都是硬

執他底橫說如王介甫陸子靜都只是橫說且如  
陸子靜說文帝不如武帝豈不是橫說又云介甫  
諸公取人如資質淳厚底他便不取看文字穩底  
他便不取如那決裂底他便取說他轉時易大率  
都是硬執他底○韓文力量不如漢文漢文不如  
先秦戰國○某方脩韓文考異而學者至因曰韓  
退之議論正規模闊大然不如柳子厚較精密如  
辨鶻冠子及說列子在莊子前及非國語之類辨  
得皆是黃達才言柳文較古曰柳文是較古但却



易學學便似他，不似韓文規模闊學，柳文也得但

會衰了人文字覽集鵬冠子表叔，真隱傳曰：鵬冠子

以鵬為冠，莫測其名，因服成號，著書言道家事，馬

護嘗師之，後顯於趙，鵬冠子恨其驕，已遂與之絕

鵬者，鳥也。○因論韓文公謂如何用功了，方能辨古

書之真偽，曰：鵬冠子亦不曾辨得柳子厚，謂其書

乃寫賈誼鵬賦之類，故只有此處好，其他皆不好

柳子厚看得文字精，以其人刻深，故如此。韓較有

些玉道意思，每事較含洪，便不能如此。覽集賈誼鵬

注曰：賈誼為長沙王傳，三年有鵬飛入誼舍，鵬似

入室，主人將去，謂○退之要說道理，又要剽劇有

平易處，極平易有險奇處，極險奇且教他在潮州

時好止住得一年，柳子厚却得永州力也。○柳學

人處便絕，似平淮西雅之類，甚似詩學陶者，便

似陶，韓亦不必如此，自有好處，如平淮西碑好。○

問韓柳二家文體，孰正曰：柳文亦自高古，但不甚

醇正，又問子厚論封建，是否曰：子厚說封建非聖

人意也，勢也，亦是但說到後面有偏處，後人辨之

者亦失之太過，如廖氏所論封建排子厚太過，且

封建自古便有聖人但因自然之理勢而封之乃見聖人之公心且如周封康叔之類亦是古有此制因其有功有德有親當封而封之却不是聖人有不得已處若如子厚所說乃是聖人欲吞之而不可得乃無可奈何而為此不知所謂勢者乃自然之理勢非不得已之勢也

**集覽**

周封康叔按通鑑康叔名封周武王

同母弟武王克商以殷餘民封康叔於衛成王長舉康叔為周司寇有功賜衛室祭器以彰有德取後傳四十一君為秦所滅

○有一等人專於為文不去讀聖賢書又有一等人知讀聖賢書亦自會作文到得說

文者貫道之器

聖賢書却別做一箇詭異模樣說不知古人為文大抵只如此那得許多詭異韓文公詩文冠當時後世未易及到他上宰相書用善善者我詩註一齊都寫在裏面若是他自作文豈肯如此作最是說載沈載浮沈浮皆載也可笑載是助語分明彼如此說了他又如此用○問韓文李漢序頭一旬甚好曰公道好某看來有病曰文者貫道之器且如六經是文其中所說皆是這道理如何有病曰不然這文皆是從道中流出豈有文反能貫道之

理文是文道是道文只如喫飯時下飯耳若以文  
貫道却是把本為末以末為本可乎其後作文者  
皆是如此因說蘇文害正道甚於老佛且如易所  
謂利者義之和却解為義無利則不和故必以利  
濟義然後合於人情若如此非惟失聖言之本指  
又且陷溺其心○柳子厚文有所模倣者極精如  
自解諸書是做司馬遷與任安書劉原父作文便  
有所倣集覽司馬遷與任安書按漢書安東陽人嘗  
為大將軍衛青門客後青日衰故客多  
歸霍去病安獨不肯故人司馬遷為中書令尊寵  
用事安遺之書責以進賢之義○綱元父按宋鑑

劉敞字原父清江人武孫慶曆間舉進士累官知  
制誥奉使契丹還知揚州有惠政徙鄆州道不捨  
遺累遷翰林侍讀學士侍英宗講讀每指事據經  
因以諷諫官至集賢院學士敞學問淵源為文尤  
贈敏有公是集行世○韓千變萬化無心變歐有心變杜祁  
公墓誌說一件忝了又說一件韓董晉行狀尚稍長  
權德輿作宰相神道碑只一板許歐蘇便長了蘇  
體只是一類柳伐原議極局促不好東萊不知如  
何喜之陳後山文如仁宗飛白書記大段好曲折  
亦好墓誌亦好有典有則方是文章其他文亦有  
太局促不好者集覽按宋鑑杜衍字世昌山陰人屬  
棟篤學權進士甲科歷州縣皆

生見六八卷五十一

有政迹慶曆中為相與韓琦富弼范仲淹同意  
 事後以太子少師致仕封祁國公卒謚正獻○韓  
 董晉行狀按唐鑑董晉字混成虞鄉人擢明經拜  
 兵部郎中持節使回紇德宗立授御史中丞貞元  
 中拜相後封隴西郡公卒韓文公作行狀以誌之  
 ○雅德與按唐鑑德興秦州畧陽人皐之子少以  
 文章稱德宗聞其才召為左補闕累遷禮部尚  
 書同平章事○石宗飛白書記權輿記太宗飛白  
 書十一句五十五字者貞觀十八年答左散騎常  
 侍劉伯之詔也縹緲鴻煊之勢輒濃蟬翼之狀子  
 敬白而不飛子雲飛而不白稽會衆美裁成絕藝  
 書圖之逸品也注蔡邕見役人以聖籀成字歸而  
 為飛白之書○東坡文字明快老蘇文雄渾儘有  
 好處如歐公曾南豐韓昌黎之文豈可不看柳文  
 雖不全好亦當擇合數家之文擇之無二百篇下

人皆當有名之士

此則不須看恐低了人手段但採他好處以為議  
 論足矣若班馬孟子則是太底文字○韓文高歐  
 陽文可學曾文一字挨一字謹嚴然大迫又云今  
 人學文者何曾做得一篇枉費了許多氣力大意  
 主乎學問以明理則自然發為好文章詩亦然○  
 國初文章皆嚴重老成嘗觀嘉祐以前詰詞等言  
 語有甚拙者而其人才皆是當世有名之士蓋其  
 文雖拙而其辭謹重有欲工而不能之意所以風  
 俗渾厚至歐公文字好底便十分好然猶有甚拙

性理大全卷五十六 命之命

聖人取先進禮樂意

底未散得他和氣到東坡文字便馳騁忒巧了及  
 宣政間則窮極華麗都散了和氣所以聖人取先  
 進於禮樂意思自是如此○劉子澄言本朝只有  
 四篇文字好太極圖西銘易傳序春秋傳序因傷  
 時文之弊謂張才叔書義好自靖人自獻于先王  
 義胡明仲醉後每誦之又謂劉崇舜不窮其民論  
 好歐公甚喜之其後姚孝寧易義亦好一云或問  
太極西銘

曰自孟子已後方集劉子澄按宋鑑劉清之字子  
見有此兩篇文字覽澄臨江人受業兄靖之博極  
書傳紹興末舉進士及見朱熹慨然志義思之學  
嘗為高安縣丞賑饑有方徙知宜黃縣孝宗時召

對首論民困兵驕累官知衡州善政甚多罷主  
 臺觀光宗即位起知表州所著有訓蒙新書通錄  
 墨莊祭儀時令諸書○張才叔按宋鑑張廷堅字  
 才叔廣安軍渠江人元祐間進士調成都府推官  
 韓忠彥薦為左正言論月章數十訟司馬光呂公  
 著之寃論蔡京章惇之罪薦蘇軾蘇轍之賢忤執  
 政意謫官卒贈直徽閣謚節愍○嘗以伊川答方道輔書示學者  
 曰他只恁平鋪無緊要說出來只是要移易他一  
 兩字也不得要改動他一句也不得○李泰伯文  
 實得之經中雖淺然皆自太處起議論首卷替書  
 民言好好如古潛夫論之類周禮論好好如宰相掌人  
 主飲食男女事其意如此今其論皆然文字氣象

大段好甚使入愛之亦可見其時節方興如此好  
老泉父子自史中戰國策得之故皆自小處起議  
論歐公喜之李不軟瞻不為所喜范文正公好處

歐不及

集覽李太白按宋鑑李觀字太白南城人通五經生徒數百人曾鞏鄧潤夫皆其高

弟為文章自成一家天下知其各皇祐間范仲淹薦試太學助教後除太學說書既沒潤甫上其退居類藁皇祐續藁并嘗讀宋景文張巡贊曰其後集詔官其子參魯

文自成一家景文亦服入嘗見其寫六一龍岡阡表二句云求其生而不得則死者與我皆無恨也

○六一文一唱三歎今人是如何作文○六一文

有斷續不接處如少了字模樣如秘演詩集序喜

為歌詩以自娛十年間兩節不接六一居士傳意

凡文弱仁宗飛白書記文不佳制誥首尾四六皆

治平間所作非其得意者恐當時亦被人催促加

以文思緩不及子細不知如何然有紆餘曲折辭

少意多玩味不能已者又非辭意一直者比黃夢

升墓誌極好其所喜者豐樂亭記

集覽六一居士按晚筆六一居士居於穎號六一居士曰吾集古錄一千卷藏書一萬卷有琴一張棊一局酒一壺吾老于其間是為六一公也豐樂亭按一統志其亭在除州城南一十里琅邪山幽谷歐陽脩顧其景而樂

歐公一等議論

之開地為亭名曰歐公文字鋒刃利文字好議  
豐樂自為之記 ○歐公文字鋒刃利文字好議  
論亦好嘗有詩云玉顏自古為身累肉食何人為  
國謀以詩言之是第一等好詩以議論言之是第一  
一等議論 ○問歐公文字愈改愈好曰亦有改不  
盡處如五代史宦者傳末句云然不可不戒當時  
必是載張承業等事在此故曰然不可不戒後既  
不欲載之於此而移之於後則此句當改偶忘削  
去故也 集覽 張承業按五代史承業唐僖宗時宦者  
昭宗時為河東監軍與晉王李克用相  
善及崔胤誅宦官胤在外者詔所在誅胤  
忍殺乃匿之昭宗崩復為監軍晉王病革以莊宗

獨之莊宗與梁戰河上二十餘年軍國  
事皆委之同光初退居田里尋卒 ○歐公為辭  
穎叔輩所誣既得辨明謝表中自叙一段只是自育  
中流出更無些窒礙此文章之妙也又曰歐公文  
亦多是脩改到妙處頃有人買 一作見 得他醉翁亭  
記藁初說滁州四面有山凡數十字末後改定只  
曰環滁皆山也五字而已如尋常不經思慮信意  
所作言語亦有絕不成文理者不知如何 集覽 醉翁  
按一統志其亭在滁州城南十里琅琊山醴泉之  
上宋慶曆中僧智仙為郡守歐陽脩建脩自號醉  
翁因名作亭記其文膾炙人口天下傳誦焉 ○蔣  
穎叔按宋鑑蔣之奇字穎叔宜與人舉進士為監

生里人卷五十一 六一 三十一

察御史徽宗時累官翰林學士知樞密院事崇寧初以觀文殿學士知杭州以疾歸之奇為部使者治辨稱有文集百餘卷

○歐公文章及三蘇文好處只是平易說道理初不曾使差異底字換却那尋常底字○文章到歐曾蘇道理到一程方是暢荆公文暗○歐公文字敷腴溫潤曾南豐文字又更峻潔雖議論有淺近處然却平正好到得東坡便傷於巧議論有不正當處後來到中原見歐公諸人了文字方稍平老蘇尤甚大抵已前文字都平正人亦不會大段巧說自三蘇文出學者始

日趨於巧如李泰伯文尚平正明白然亦已自有此巧了輔廣問荆公之文如何曰他却似南豐文但比南豐文亦巧荆公曾作許氏世譜寫與歐公看歐公下日因曝書見了將看不記是誰作意中以為荆公作又云介甫不解做得恁地恐是曾子固所作廣又問後山文如何曰後山煞有好文字如黃樓銘館職策皆好廣又問後山是宗南豐文否曰他自說曾見南豐于襄漢間後見一文字說南豐過荆襄後山携所作以謁之南豐一見愛之



因留款語適欲作一文字事多因托後山為之且授以意後山文思亦濫窮日之力方成僅數百言明日以呈南豐南豐云大畧也好只是冗字多不知可為畧刪動否後山因請改竄但見南豐就坐取筆抹數處每抹處連一兩行便以授後山凡削去一二百字後山讀之則其意尤完因嘆服遂以為法所以後山文字簡潔如此

集覽 曾南豐按宋鑑曾筆字子固南豐人致堯孫幼警敏教千言一覽輒記嘉祐間舉進士歷知齊襄洪福明毫滄州所至務恤民疾入為中書舍人文章與歐陽脩齊名世稱曰南豐先生

○歐公文字太綱好

三代治出於一

處多晚年筆力亦衰曾南豐議論平正耐點檢李泰伯文亦明白好看錢木之問老蘇文議論不正當曰議論雖不是然文字亦自明白洞達○歐陽子云三代而上治出於一而禮樂達於天下三代而下治出於二而禮樂為虛名此古今不易之至論也然彼知政事禮樂之不可不出於一而未知道德文章之尤不可使出於二也夫古之聖賢其文可謂盛矣然初豈有意學為如是之文哉有是實於中則必有是文於外如天有是氣則必有

性理大全卷五十六

日月星辰之光耀地有是形則必有山川草木之  
行列聖賢之心既有是精明純粹之實以旁薄充  
塞乎其內則其著見於外者亦必自然條理分明  
光輝發越而不可掩蓋不必託於言語著於簡冊  
而後謂之文但自一身接於萬事凡其語默動靜  
人所可得而見者無所適而非文也補歐陽子治  
出於二二之言見唐書禮樂志程子曰人見六經便  
以為聖人亦作文不知聖人亦摠發胸中所蘊自  
成文耳且如觀乎天文以察時變觀乎  
人文以化成天下此豈詞章之文也  
姑舉其最而言則易之卦畫詩之詠歌書之記

列六經而世

言春秋之述事與夫禮之威儀樂之節奏皆已列  
為六經而垂萬世其文之盛後世固莫能及然其  
所以盛而不可及者豈無所自來而世亦莫之識  
也故夫子之言曰文王既沒文不在茲乎蓋雖已  
決知不得辭其責矣然猶若遠巡顧望而不能無  
所疑也至於推其所以興衰則又以為是皆出於  
天命之所為而非人力之所及此其體之甚重夫  
豈世俗所謂文者所能當哉補龜山楊氏曰六經

正人倫致治垂後世之成法也論語曰文王既歿  
文不在茲乎朱子曰道之顯者謂之文不曰道而

日文謙 孟軻氏沒聖學失傳天下之士背本趨末

不求知道養德以充其內而汲汲乎徒以文章為

事業然在戰國之時若申商孫吳之術蘇張范蔡

之辨列禦寇莊周荀况之言屈平之賦以至秦漢

之間韓非李斯陸生賈傳董相史遷劉向班固下

至嚴安徐樂之流猶皆先有其實而後託之於言

唯其無本而不能一出於道是以君子猶或羞之

及至宋玉相如王褒楊雄之徒則一以浮華為尚

而無實之可言矣雄之太玄法言蓋亦長楊較獵

之流而粗變其音節初非實為明道講學而作也

東京以降訖于隋唐數百年間愈下愈衰則其去

道益遠而無實之文亦無足論補註術謂刑名兵法

說也列莊荀二千子皆有書屈賦離騷是也陸生謂

陸賈嚴安徐樂武帝時魯上書戰國秦漢諸人自

申商而下其著述言議備見史記漢書宋玉屈原

弟子長楊較獵揚雄所作二賦亦載史記漢書

蘇張范蔡謂蘇秦張儀范雎蔡澤按史記蔡澤燕

人戰國時弘辨智士嘗入秦說應侯曰四時之

序成功者去應侯因是謝病昭王召見與語大悅

拜客卿尋拜為相○李斯按通鑑斯上蔡人受學

荀卿變籀文為小篆成一大家之法秦始皇時為客

卿始皇用其謀混一天下拜為丞相從帝東巡帝

崩乃與趙高矯詔殺扶蘇立胡亥陳勝兵起高諸

之腰斬于市○陸生按漢書陸賈楚人有口辨從

之

世本全卷五十六

高祖定天下使南越拜尉佗為王稱臣奉漢約高祖大悅拜為太中大夫時稱說詩書著書二十篇以好時地善因家焉有五男出襄中千金分之令為產呂后王諸呂陳平患之用賈計與周勃相結遂誅諸呂立文帝嚴安按漢書安臨淄人武帝朝以故丞相吏上書言周室之弱秦室之強拜郎中後為騎應令徐樂按漢書樂燕郡無終人武帝時上書其畧曰賢主獨觀萬化之原銷末形之患其要在使天下無土崩之勢而已武帝召見曰何相見之晚也拜為郎中宋玉按史記玉楚人屈原弟子為楚大夫閔其師放逐乃作九辨述其志以悲之又作神女高唐二賦皆寓言托興有所調也王褒按漢書褒蜀人博學能文宣帝時益州刺史王褒薦其有較才召見使作聖主得賢臣頌舉筆立就上嘉之拜諫議大夫既而遣求金馬碧雞之神卒於道韓愈氏出始覺其陋慨然號於一世欲去陳言

仁義之言如

以追詩書六藝之作而其弊精神糜歲月又有甚於前世諸人之所為者然猶幸其畧知不根無實之不足特因是頗派其源而適有會焉於是原道諸篇始作而其言曰根之茂者其實遂膏之沃者其光燁仁義之人其言藹如也其徒祖之亦曰未有不深於道而能文者則亦庶幾其賢矣然今讀其書則其出於誦諛戲豫放浪而無實者自不為少若夫所原之道則亦徒能言其大體而未見有探討服行之效使其言之為文者皆必由是以出

生理大卷五十六

四十一

也故其論議古人則又直以屈原孟軻馬遷相如  
楊雄為一等而猶不及於董賈其論當世之弊則  
但以詞不已出而遂有神祖聖伏之歎至於其徒  
之論亦但以剽掠潛竊為文之病大振頽風教入  
自為為韓之功則其師生之間傳受之際蓋未免  
裂道與文以為兩物而於其輕重緩急本末竄主  
之分又未免於倒懸而逆置之也 補註 魏者呼也陳  
言謂陳舊之

說六藝謂六經其徒李漢嘗序韓文行世所謂未  
有不深於道而能文與剽掠潛竊為病大振頽風  
使人自為皆其序中語詞不已出神  
祖聖伏見韓公所作樊紹述墓銘

自是以來又復衰歇數十百年而後歐陽子出其  
文之妙蓋已不愧於韓氏而其曰治出於一云者  
則自荀揚以下皆不能及而韓亦未有聞焉是則  
疑若幾於道矣然考其終身之言與其行事之實  
則恐其亦未免於韓氏之病也抑又嘗以其徒之  
說考之則誦其言者既曰吾老將休付子斯文矣  
而又必曰我所謂文必與道俱其推尊之也既曰  
今之韓愈矣而又必引夫文不在茲者以張其說

補註 其徒謂東坡吾老將休付子斯文與吾所謂文  
必與道俱皆東坡述歐公語今之韓愈與文不

在文皆東坡推尊歐公由前之說則道之與文吾

不知其果為一耶為二邪由後之說則文王孔子

之文吾又不知其與韓歐之文果若是其班乎否

也嗚呼學之不講久矣習俗之謬其可勝言也哉

吾讀唐書而有感因書其說以訂之

補朱子曰道者文之根

本文者道之枝華惟其根本乎道所以發之於文皆道也三代聖賢文章皆從此心無出文便是道後人都因作文却漸漸說上道理來不是先理會得道理方作文所以二本而非一本矣

○因言文士之失曰今曉得義理底人少間被物

慾激搏猶自一強一弱一勝一負如文章之士下稍

頭都靠不得且如歐陽公初間做本論其說已自

太段拙了然猶是一片好文章有頭尾他不過欲

封建井田與冠婚喪祭蒐田燕饗之禮使民朝夕

從事於此少間無工夫被佛氏引去自然可變其

計可謂拙矣然猶是正當議論也到得晚年自做

六一居士傳宜其所得如何却只說有書一千卷

集古錄一千卷琴一張酒一壺棊一局與一老人

為六更不成說話分明是自納敗闕如東坡一生

讀盡天下書說無限道理到得晚年過海做昌化

峻靈王廟碑引唐肅宗時一尼恍惚升天見上帝以寶玉十三枚賜之云中國有大災以此鎮之今此山如此意其必有寶更不成議論似喪心人說話其他人無知如此說尚不妨你平日自視爲如何說盡道理却說出這般話是可恠否觀於海者難爲水游於聖人之門者難爲言分明是如此了便看他門這般文字不入

集覽昌化峻靈王廟碑按一統志昌化縣名隋初所置今因之屬儋州又按峻靈王廟在昌化縣北一十五里峻靈山祀山之神五代時建南漢始封爲鎮海廣德王宋改爲峻靈王蘇軾有記

○問東坡文不可以道理并

全篇看但當看其大者曰東坡文說得透南豐亦說得透如人會相論底一齊指摘說盡了歐公不說盡含蓄無盡意又好因謂張定夫言南豐秘閣諸序好曰那文字正是好峻靈王廟碑無見識伏波廟碑亦無意思伏波當時縱跡在廣西不在彼中記中全無發明或曰不可以道理看他然一碑筆健曰然又問潛真閣銘好曰這般閑戲文字便好雅正底文字便不好如韓文公廟碑之類初看甚好讀子細點檢踈漏甚多

集覽伏波廟碑按一統志伏波廟在瓊州

非到... 卷五十一

蘇東北祀南漢路傳德東漢馬援二人皆伏波將軍宋蘇軾作碑銘○韓文公廟碑按一統志韓文公廟舊在潮州府治後韓山宋遷在府治東韓山封文公為昌黎伯賜額忠祐蘇軾作廟碑

○人老氣衰文亦衰歐陽公作古文力變舊習老來照管不到為某詩序又四六對偶依舊是五代文習東坡晚年文雖健不衰然亦疏魯如南安軍學記海外歸作而有弟子揚輝序點者三之語序點是人姓名其疏如此集南安軍學記按一統志南安軍宋初所置今為江西道

○老蘇之文高只議論乖角○老蘇文字初亦喜着看後覺得自家意思都不正當以此

知人不可看此等文字固宜以歐曾文字為正○

坡文雄健有餘只下字亦有不貼實處○東坡墨

君堂記只起頭不合說破竹字不然便似毛穎傳

○東坡歐陽公文集序只恁地文章儘好但要說

道理便看不得首尾皆不相應起頭甚麼樣大未

後却說詩賦似李白記事似司馬遷○統領商榮

以溫公神道碑為餉因命吏約楊道夫同視且曰

坡公此文說得來恰似山摧石裂道夫問不知既

說誠何故又說一日這便是他看道理不破處項

生理... 卷五十一... 四十五



之黃直卿至復問若說誠之則說一亦不妨否曰  
不用恁地說蓋誠則自能一問大凡作這般文字不  
知還有布置否曰看他也只是據他一直恁地說  
將去初無布置如此等文字方其說起頭時自未  
知後面說甚麼在以手指中間曰到這裏自說盡  
無可說了却忽然說起來如退之南豐之文却是  
布置其舊看一家之文復看坡文覺得一段中欠  
了句一句中欠了字又曰向嘗聞東坡作韓文公  
廟碑一日思得頗久一云不能得一起忽得兩句  
頭起行百十遭

云匹夫而為百世師一言而為天下法遂掃將去  
道夫問看老蘇文似勝坡公黃門之文又不及東  
坡曰黃門之文衰遠不及也只有黃樓賦一篇爾  
道夫因言歐陽公文平淡曰雖平淡其中却自美  
麗有好處有不可及處却不是闢草無意思又曰  
歐文如賓主相見平心定氣說好話相似坡公文  
如說不辨後對人開相似都無恁地安詳童蜚卿  
問范太史文曰他只是據見定說將去也無甚做  
作如唐鑑雖是好文字然多照管不及評論總意

不盡只是文字本體好然無精神所以有照管不  
到處無氣力到後面多脫了道夫因問黃門古史  
一書曰此書儘有好處道夫曰如他論西門豹投  
巫事以為他本循良之吏馬遷列之於滑稽不當  
似此議論甚合人情曰然古史中多有好處如論  
莊子三四篇譏議夫子處以為決非莊子之書乃  
是後人截斷莊子本文攙入此其考據甚精密但  
今觀之莊子此數篇亦甚鄙俚

集覽西門豹投巫事  
史記豹戰國魏  
人交侯時為鄴令鄴俗素信巫覡歲為河伯娶婦  
選良民願女投河中豹問知其害曰今歲娶婦幸

來告吾亦送之至見其故豹曰幸煖大巫入無即  
投之河中又繼投二人一羣巫驚惶乞命從此遂止  
因開其河為十  
二渠以溉田

○問蘇子由之文比東坡稍近理  
否曰亦有甚道理但其說利害處東坡文字較明  
白子由文字不甚分曉要之學術只一般○看子  
由古史序說聖人其為善也如水之必寒火之必  
熱其不為不善也如駟虞之不殺竊脂之不數此  
等議論極好程張以後文人無有及之者○因說  
灤城集曰舊時看他議論亦好近日看他文字然  
有善處如劉原父高才傲物子由與他書勸之謙

世說新語卷五十一

養巧 養辯 忠厚 至論

性理大全卷五十六 命文意論

遜下人此意甚好其間却云天下以吾辨而以辨  
乘我以吾巧而以巧困我不如以拙養巧以訥養  
辯如此則是怕人來困我故卑以下之此大段害  
事如東坡作刑賞忠厚之至論却說懼刑賞不足  
以勝天下之善惡故舉而歸之仁如此則仁只是  
箇鶻突無理會底物事故又謂仁可過義不可過  
大抵今人讀書不子細此兩句却緣疑字上面生  
許多道理若是無疑罪須是罰功須是賞何須更  
如此或曰此病原起於老蘇曰看老蘇六經論則

四十七

是聖人全是以術欺天下也子由晚年待月軒  
記想他大段自說見得道理高而今看得甚可笑  
如說軒是人身月是人性則是先生下一箇人身  
却外面尋箇性來合湊集覽待月軒在安一統志其  
軒在瑞州府治東行春  
門外大愚山宋蘇轍謫筠州舟過南東廬阜訪隱  
者樂日月以喻性理因悟其說至筠作待月軒以  
自省并記其真○范淳夫文字純粹下一箇字便是合當  
下一箇字東坡所以伏他東坡輕文字不將為事  
若做文字時只是胡亂寫去如後面恰似少後添  
○劉原父才思極多湧將出來每作文多法古絕

性理大全卷五十六 命文意論

相似有幾件文字學禮記春秋說學公穀文勝貢  
父貢父文字工於摹倣○問南豐文如何曰南豐  
文却近質他初亦只是學為文却因學文漸見些  
于道理故文字依傍道理做不為空言只是關鍵  
緊要處也說得寬緩不分明緣他見處不徹本無  
根本工夫所以如此但比之東坡則較質而近理  
東坡則華豔處多○曾所以不及歐處是紆徐曲  
折處曾喜模擬人文字擬峴臺記是做醉翁亭記  
不甚似○南豐擬制內有數篇雖雜之三代詔命

中亦無愧○南豐作宜黃筠州二學記好說得古

人教學意出

筠州宜黃二學記按一統志宜黃縣名宋初所置今因之屬撫州府

筠州唐初所置今為瑞州府屬江西道○南豐列女傳序說二南處

好○南豐范貫之奏議序氣脉渾厚說得仁宗好

東坡趙清獻神道碑說仁宗處其文氣象不好第

一流人等句南豐不說子由挽南豐詩甚服之矣

范貫之奏議序按宋鑑范師道字貫之蘇州人其之子舉進士歷官兵部員外郎兼侍御史風厲風操有聞即言官至龍圖學士有奏議文集數十卷行世

○問嘗聞南豐人

後山一年看伯夷傳後悟文法如何曰只是令他

性理大全卷五十一

看一年則自然有自得處○江西歐陽永叔王介甫曾子固文章如此好至黃魯直一向求巧反思正氣○陳後山之文有法度如黃樓銘當時諸公都歛衽都無他抑揚頓挫因論當時人物有以文章記問為能而好點檢他人不自點檢者曰所以聖人說益者三樂樂節禮樂樂道人之善樂多賢友○李清臣文比東坡較實○論胡文定公文字字皆實但奏議每件引春秋亦有無其事而遷就之者大抵朝廷文字且要論事情利害是非

分曉今人多先引故事如論青苗只是東坡兄弟說得有精神他人皆說從別處去○張子韶文字沛然猶有氣開口見心索性說出使人皆知近來文字開了又闔闔了又開闔闔七八番到結末處又不說只恁地休了○諸公文章馳騁好異止緣好異所以見異端新奇之說從而好之這也只是見不分曉所以如此看仁宗時制詔之文極朴固是不好看只是他意思氣象自恁地深厚又長固是拙只是他所見皆實看他下字都不甚恰好有

合當下底字却不下也不是他識了不下只是他  
當初自思量不到然氣象儘好非如後來之文一  
味纖巧不實且如進卷方是一蘇做出恁地壯偉  
發越已前不會如此看張方平進策更不作文只  
如說鹽鐵一事他便從鹽鐵原頭直說到如今中  
間却載着甚麼年甚麼月後面更不說措置如今  
只是將虛文漫演前面說了後面又將這一段翻  
轉這只是不會見得所以不會見得只是不會虛  
心看聖賢之書固有不曾虛心看聖賢書底人到

得要去看聖賢書底又先把他自一副當排在這  
裏不曾見得聖人意待做出又只是自底

集覽張方平進

策按宋鑑方平宋城人少穎悟絕倫書一閱不再  
讀累官參知政事南京留守知陳州以太子少師  
致仕卒謚文定初守蜀時得蘇洵與其子軾歡深  
器異之嘗薦軾為諫官晚受知神宗王安石方用  
事疑然不少屈以是望高一時者也○今人作文皆不足為文大抵

專務節字更易新好生面辭語至說義理處又不  
肯分曉觀前輩歐蘇諸公作文何嘗如此聖人之  
言坦易明白因言以明道正欲使天下後世由此  
求之便聖人立言要教人難曉聖人之經定不作

皇朝文獻通考卷一百一十五 文獻通考卷一百一十五

矣若其義理精奧處人所未曉自是其所見未到耳學者須玩味深思久之自可見何嘗如今人欲說又不敢分曉說不知是甚所見畢竟是自家所見不明所以不敢深言且鶻突說在裏○前輩文字有氣骨故其文壯浪歐公東坡亦皆於經術本領上用功今人只是於枝葉上粉澤爾如舞訝鼓然其間男子婦人僧道雜色無所不有但都是假底舊見徐端立言石林嘗云今世安得文章只有箇感字換字法爾如言湖州必須去州字只稱湖

此減字法也不然則稱雪上此換字法也來云今

至無氣骨向來前輩雖是作時文亦是朴實頭鋪字朴實頭引援朴實頭道理看者雖不入眼却有骨氣今人文字全無骨氣便似舞訝鼓者塗眉畫眼只不是本樣人然皆足以惑眾真好笑也或云此是襟懷挾所致曰不然自是時節所尚如此只是人不知學全無本柄被人引動尤而效之且如今作物件物事一箇做起一人學起有不崇朝而徧天下者本來合當理會底事全不理會直是可惜

○貫穿百氏及經史乃所以辨驗是非明此義理豈特欲使文詞不陋而已義理既明又能力行不倦則其存諸中者必也光明四達何施不可發而為言以宣其心志當自發越不凡可愛可傳矣今

道者  
文之  
根本

性理大全卷五十六 論文

五十二

執筆以習研鑽華采之文務悅人者外而已可耻也。已○道者文之根本。文者道之枝葉。惟其根本平道所以發之於文皆道也。三代聖賢文章皆從此心寫出。文便是道。今東坡之言曰吾所謂文必與道俱。則是文自文而道自道。待作文時旋去討箇道來入放裏面。此是他大病處。只是他每常文字華妙包籠。將去到此不覺漏逗說出他本根病痛。所以然處緣他都是因作文却漸漸說上道理來。不是先理會得道理了方作文。所以大本都差。

歐公之文則稍近於道。不為空言。如唐禮樂志云。三代而上治出於一。三代而下治出於二。此等議論極好。蓋猶知得只是一本。如東坡之說。則是二本。非一本矣。○問要看文以資筆勢言語。須要助發義理。曰可看孟子韓文。韓不用科段。直便說起去。至終篇自然純粹。成體無破綻。如歐曾却各有一箇科段。舊曾學曾為其節次定了。今覺得要說一意。須待節次了了方說得到。及這一路定了。左右更去不得。因言陣阜卿教人看柳文了却看韓。

性理大全卷五十六 論文

五十二



文不知看，看了柳文便自壞了，如何更看韓文。○纔要作文章，便是枝葉害著學問，及兩失也。○作文字須是靠實說得有條理，乃好。不可駕空細巧，大率要七分實，只一二三分文。如歐公文字好者，只是靠實而有條理。如張承業及宦者等傳，自然好。東坡如靈壁張氏園亭記，最好。亦是靠實。秦少游龍井記之類，全是架空說去，殊不起發人意思。覽集少泰

游龍井記按宋鑑秦觀字少游高郵州人長於議論文麗而思深元祐初蘇軾薦于朝除大學博士遷史院編修坐貶

○文章要理會本領，前輩作者多讀

書亦隨所見理會。○每論著述文章，皆要有綱領。文定文字有綱領，龜山無。○前輩用言語，古人有綱領，如字說三經辨之類。○說底固是好，如世俗常說底，亦用。後來人都要別撰一般新奇言語，下稍與文章都差異了。○要作好文字，須是理會道理，更可以去韓文上一截。如西漢文字用工，問史記如何。曰：史記不可學，學不成却顛了，不如且理會法度。文字問後山學史記，曰：後山文字極有法度，幾於太法度了，然做許多碎句子，是學史記。又曰：後世人資稟與古人不同。

今人去學左傳國語皆一切踏踏地說去沒收煞  
○文字奇而穩方好不奇而穩只是闡教○作文  
何必苦留意又不可太頽塌只略教整齊足矣○  
前輩作文者古人有名文字皆模擬作一篇故後  
有所作時左右逢原○嘗見傅安道說為文字之  
法有所謂筆力有所謂筆路筆力到二十歲許便  
定了便後來長進也只就上高添得些子筆路則  
常拈弄時轉開拓不拈弄便荒廢此說本出於李  
漢老看來做詩亦然○因說呂伯恭所批文曰文

章流轉變化無窮豈可限以如此某因說陸教授  
謂伯恭有箇文字腔子纔作文字時便將來入箇  
腔子故文字氣脉不長曰他便是眼高見得破

**集覽**

陸教授按宋鑑陸九淵居貴溪之象山教授生徒世人稱為陸教授

○東萊教人作文當看獲麟解也是其間多曲折又  
曰其舊最愛看陳無已文他文字也多曲折謂諸  
生曰韓柳文好者不可不看○嘗與後生說若會  
將漢書及韓柳文孰讀不到不會做文章舊見某  
人作馬政策云觀戰奇也觀戰勝又奇也觀騎戰

勝又大奇也這雖是麤中間却有好意思如今時  
 文一兩行便做萬千屈曲若一句題也要立兩脚  
 三句題也要立兩脚這是多少衰氣○人有才性  
 者不可令讀東坡等文有才性人便須收入規矩  
 ○不然蕩將去○凡人做文字不可太長照管不到  
 寧可說不盡歐蘇文皆說不盡東坡雖是宏闊  
 瀾翻成天片袞將去他裏面自有法今人不見得  
 他裏面藏得法但只管學他一袞做將去○前輩  
 云文字自有穩當底字只是始者思之不精又曰

文字自有一箇天生成腔予古人文字自貼這天  
 生成腔予○今世士大夫好作文字論古今利害  
 比並為說曰不必如此只要明義理義理明則利  
 害自明古今天下只是此理所以今人做事多暗  
 與古人合者只為理一故也○人做文字不著只  
 是說不著說不到說自家意思不盡○文章須正  
 大須教天下後世見之明白無疑○看前人文字  
 未得其意便容易立說殊不知害事蓋既不得正理又  
 枉費心力不若虛心靜看即涵養究索之功一舉

讀之猶且寒心

而兩得之也

或謂退之聖德頌至婉婉弱子赤立偃僕牽頭曳足先斷腰脊處梁世榮舉子由之說曰此李斯誦秦所不忍言而退之自謂無愧於風雅何其陋也此說如何南軒張氏曰退之筆力高得斬截處即斬截他豈不知此所以為此言者必有說蓋欲使藩鎮聞之畏罪懼禍不敢叛耳今人讀之至此猶且寒心况當時藩鎮乎此正是合於風雅處只如墻有茨桑中諸詩或以為不必載而龜山乃曰此衛

為夷狄所滅之由退之之言亦此意也退之之意過於子由遠矣大抵前輩不可輕議

象山陸氏曰文以理為主荀子於理有蔽所以文不

馴雅

慈湖楊氏曰孔子謂巧言鮮仁又謂離達而已矣而

後世文士之為文也異哉琢磨雕鏤無所不用其巧曰語不驚人死不休又曰惟陳言之務去夫言

惟其當而已矣繆用其心陷溺其意至此欲其近道豈不大難雖曰無斧鑿痕如太羹玄酒乃巧之

世道人心之

文章由道而心等

極上心外起意益深益暗去道愈遠如堯之文章孔子之文章由道心而達始可以言文章若文士之言止可謂之巧言非文章

魯齋許氏曰凡立論必求事之所在理果如何不當

馳騁文筆如程試文字捏合抑揚且如論性說孟子却繳得荀子道性惡又繳得揚子道善惡混又繳出性分三等之說如此等文字皆文士馳騁筆端如策士說客不求真是只要以利害感人若果真見是非之所在只當主張孟子不當說許多相

文章由道而心等

繳之語○宋文章近理者多然得實理者亦少世所謂彌近理而大亂真宋文章多有之讀者直須明著眼目○論古今文字曰二程朱子不說作文但說明德新民明明德是學問中大節目此處明得三綱五常九法立君臣父子井井有條此文之大者細而至於衣服飲食起居洒掃應對亦皆當於文理今將一世精力專意於文鋪敘轉換極其工巧則其於所當文者闕漏多矣今者能文之士道堯舜周孔魯孟之言如出諸其口由之以責其

聖人不期文而自文

實則審壤矣使其無意於文由聖人之言求聖人之心則其所得亦必有可觀者文章之為害害於道優孟學孫叔敖楚王以為真叔敖也是寧可責以叔敖之事文士與優孟何異上世聖人何嘗有意於文彼其德性聰明聲自為律身自為度豈後世小人筆端所能模放德性中發出不期文而自文所謂出言有章者也在事物之間其節文詳備後人極力為之有所不及何者無聖人之心為聖人之事不能也

**集覽**

優孟學孫叔敖楚王以為真叔敖楚國語優孟楚樂人相孫叔

世理大全卷五十六 命文忽命

五十八

教知其賢善待之叔敖死其子窮困負薪蓬優孟曰我叔敖子父死時屬我貧困往見優孟優孟曰若無遠所之即為叔敖衣冠抵掌談語歲餘莊王單酒前為壽王大驚以為叔敖復生欲以為相孟請歸與婦計之三日復來曰婦言慎無為楚相盡忠楚王得以霸今死其子無立錫之地負薪以自食如叔敖不如自殺於是莊王謝孟召叔敖子封之寢丘

○讀魏晉唐以來諸人文字其放曠不羈誠可喜

身心即時便得快活但須思慮究竟是如何果能終身為樂乎果能不墮先業而澤及子孫乎天地間人各有職分性分之所固有者不可有泯也職分之所當為者不可荒慢也人而慢人之職雖曰

世理大全卷五十六 命文忽命 五十八

志士  
仁人  
不取  
幸民

性理大全卷五十六 命文之命


五十六

飽食暖衣安樂終身亦志士仁人所不取也故昔  
人謂之幸民凡無檢束無淫度艷麗不羈諸文字  
皆不可讀大能移人性情聖人以義理誨人方挽  
之不能過而此等語一見之入骨髓使人情志不  
可收拾從善如登從惡如崩古語有之可不慎乎  
○或論凡人為詩文出於何而能若是日出於性  
詩文只是禮部韻中字已能排得成章蓋心之明  
德使然也不獨詩文凡事排得著次第大而君臣  
父子小而鹽米細事總謂之文以其合宜又謂之

義以其可以日用常行又謂之道文也義也道也  
只是一般

性理大全卷五十六 命文之命

五十六



新刻性理大全第五十六卷終

之說文以建世

Faint, mostly illegible text in vertical columns, likely bleed-through from the reverse side of the page.



